



रेबजेन हायुडारि सोलॉथाइ पलिसि 2019

गुबै बाथा



रेबजेन हायुडारि सोलॉथाइ पलिसि आफाद

मासिगिरि

के. कास्थुरिरांगान, बारग' मासिगिरि, ISRO, बेंगालुरु

सोद्रोमाफोर

- क. वासुधा कामात, बारग' VC, SNTD आइजो मुलुगसोलॉसालि, मुम्बाइ
- ख. मन्जुल भार्गव, सानखान्थिनि आर. ब्रेन्डन फ्रड प्रफेसर, प्रिन्सटन मुलुगसोलॉसालि, USA
- ग. राम शंकर कुरिल, बारग' गायसंगिरि VC, समाज बिगियाननि बाबा साहेब आम्बेडकार मुलुगसोलॉसालि, माध्य प्रदेश
- घ. थि. वि. काथ्थिमान्नी, VC, इन्दिरा गान्धि हायुडारि हारियारि मुलुगसोलॉसालि, आमरकान्टक, माध्य प्रदेश
- ङ. कृष्ण महन त्रिपाथि, सोलॉथाइ (गेजेर खलबारि) बिथोनगिरि आरो उत्तर प्रदेश गोजौ फरायसालि आरो गेजेरारि आन्जाद बर्डनि बारग' मासिगिरि, उत्तर प्रदेश
- च. माझार आसिफ, प्रफेसर, फारसि और मिरुवारि एसियानारि फरायसं मिरु, राव, थुनलाइ आरो हारिमु फरायसंनि फरायसालि, जवाहरलाल नेहेरू मुलुगसोलॉसालि, गोदान दिल्ली
- छ. एम. के. श्रीधर, बारग' सोद्रोमा नेहाथारि, कर्नाटक गियान आयग, बेंगालुरु, कर्नाटक

नेहाथारि

- ज. शकीला थि. शामसु, जर'खा बिबान (हायुडारि सोलॉथाइ खान्थि) नि मावख'गोरा, गोजौ सोलॉथाइ बिफान, सुबुं फुंखा जौगाथाइ सरकारि बिफान, भारत सरकार, गोदान दिल्ली

रेबजेन आफादनि सोद्रोमाफोर

- क. मन्जुल भार्गव, सानखान्थिनि आर. ब्रेन्डन फ्रड प्रफेसर, प्रिन्सटन मुलुगसोलॉसालि, USA
- ख. के. रामचन्द्रन, बोसोनगिरि, हायुडारि सोलॉथाइ बिथांखि आरो खुंथाइ फसंथान, गोदान दिल्ली
- ग. अनुराग बेहार, CEO, आजिम प्रेमजि गायसंनाय आरो लेडाइ गिसिया, आजिम प्रेमजि मुलुगसोलॉसालि, बेंगालुरु
- घ. लिना चन्द्रन वाडिया, नायबिजिरसं गायसंनाय नोजोरगिरि, मुम्बाइ



थांखि

रेबजेन हायुडारि सोलोंथाइ पलिसि 2019 नि थांखिफोरा मोनसे भारत-मिरु सोलोंथाइ खान्थिदि जाय
गासैबोनिस्मि जौसिन गुनगोनां सोलोंथाइ जगायनायजो जौनि हायुंखौ दावगानायै थोजोडै मोनसे
गनायथाव आरो गोग्गाथाव गियान गोनां समाज महर होनाय



पलिसिनि सरासनसा नायबिजिरसं-गुबे आयदाफारिफोर

1. फरायसालि सोलॉथाइ

- क. गिबि उन्दै समनि सोलॉथाइ: पलिसिया गिबि बोसोरफोरनि गोब्राबथिखौ गोसो होनाय आरो थांखिफोरा नांगौबादि गियान सोनाय बांहोनाय आरो गोदान दैदेननायजों 2025 जों 3-6 बोसोरनि गेजेराव थानाय गासै उन्दैसाफोरनि थाखायनो गिबि उन्दै समनि जोथोन आरो सोलॉथाइ गुन गोनां खालामनाय।
- ख. फरायनो-लिरनो रॉनाय आरो आनजिमा सानगोरों खालामनाय: बेयाव गुदि राव आरो 1-5 थाखोफोराव थानाय सानखान्थिखौ जरखा गोसो होनाय जागोन। पलिसिनि थांखिफोरा थाखो 5 याव थानाय गासै फरायसाफोरखौनो रॉहोनाय खालामना 2025 जों फरायनो-लिरनो रॉनाय आरो आनजिमा सानगोरों जाहोथारनाय।
- ग. फरायसालिनि फरायफारि आरो फोरॉनायनि आदबखान्थि: मेलेम बांहोनाय आरो सोलॉनायनि थिरांथाइनि सायाव गुदि खालामना फरायसालि सोलॉथाइनि थाखाय मोनसे गोदान दावगाहोनायै थि फरायसालिनि फरायफारि आरो फोरॉनायनि आदबखान्थि दाथाइया मोनसे 5+3+3+4 महरनि सायाव गुदि खालामना दावगाहोजाबाय। फरायसालियाव थानाय हाबायारि आरो सोलॉथाइयारि बिजॉफोरनि खुंथाइजों बेयाव गासै आयदाफोर- बिगियान, समाज बिगियान, आरिमु, राव, गेलेमु, सानखान्थिफोरनि सायाव समानै गोसो होनाय जागोन।
- घ. बुहुमनाडै मोनफुंहोनाय: पलिसिनि थांखिफोरा बायदि बायदि सुनायनि गेजेरजों 2030 जों गासै फरायसालि सोलॉथाइनि थाखाय 100% गासै सोसननाय हारखौ मोनफुंहोनायनि थाखाय।
- ङ. गनायथाव आरो सरजाबदेर सोलॉथाइ: पलिसिया बायदि बायदि थांखि लानायफोरा ओरैबादि फोथायहोनायदि जाहाथे उन्दैसाफोरा जोनोम एबा थासारिफोरनि जाथाइदिंफोरनि थाखाय सोलॉनाय आरो साबसिनथारनि थाखाय जेबो खाबु मोनै जानाडा। बेनि सायाव नोजोर लाखिनायनि थाखाय जरखा सोलॉथाइ बियाबफोरबो थि खालामजानाय जागोन।
- च. फोरॉगिरिफोर: फोरॉगिरिफोरा गोख्रों, रोखाथार खान्थिनि गेजेरजों थिसनजागोन, मासि जौगानायफोरा साबसिन गुनफोनि गुदिजों जागोन, गोबां-फुंखा समारि मावनाय बेसेन थि खालामनाय थागोन आरो सोलॉथाइयारि खुंथाइ सामलायगिरि एबा फोरॉगिरि सोलॉथाइ होग्राफोर जानायनि थाखाय दावगानाय राहाफोरा गोबां जागोन।
- छ. फरायसालि सासन खालामनाय: फरायसालिफोरा फरायसालि आवथाफोर (10-20 सुबुं फरायसालिफोरनि सोमोन्दो गोनां) आव खुंजानाय जागोन- बेयो सासन खालामनाय आरो खुंथाइनि मोनसे गुदि बाहागो जागोनदि जाय बैयो मोनसे गोख्रों जिउराहायारि फोरॉगिरि सुबुं समाजजों लोगोसे गासै फुंखाफोर-बिथाइयारि-सानज'थाइ, सोलॉथाइयारि(जेरै-लाइब्रेरिफोर) आरो सुबुं (जेरै- आरिमु आरो देखो फोरॉगिरिफोर) फोर गोनां।

ज. फरायसालिफोरनि नेमखान्थि: फरायसालिफोरनि नेमखान्थि आरो सालायनायफोरा गोसो जानायनि गोनोगोथोफोरखौ खारहोना आलादा आफादफोरजो खालामजानाय जागोन। पलिसि बानायनाय, नेमखान्थि, सालायनायफोर आरो सोलॅथाइयारि बाश्राफोरनि थाखाय बेयाव रोखाथार आलादा खान्थिफोर थागोन।

2. गोजौ सोल्लोथाइ

- क. गोदान बुमिनसार: गोजौ सोल्लोथाइनि थाखाय मोनसे गोदान थांखि आरो बुमिनसारा गेदेर, मोजां-फुंखा, गोग्गाथाव गोबां आयदायारि फसंथानफोरजौ इयुनारि आसा खालामजानाय जाबाय। सोलिफु 800 मुलुगसोल्लोसालिफोर आरो 40,000 कलेजफोरा फ्राय 15,000 मोजांथार फसंथानफोराव फोगोमजानाय जागोन।
- ख. उदां सोल्लोथाइ: खौसेथिनि थाखाय बि.ए. थाखोआव उदां आरिमु सोल्लोथाइखौ मोनसे गुवारसिन खालामनाया बिगियान, आरिमु, सुबुंथि, सानखान्थि आरो जिउ राहायारि आयदाफोरनिमिम बांसिन गोसो होसिननाय जायगा लाहोनाय। बेयो गोदान आरो गोरलै फरायफारि दाथाइफोर, फरायनायनि सोरजिलु जथायनायफोर, हाबायारि सोल्लोथाइ आरो गोबां आयदाफोरखौ सोसननाय/बोखारनायनि जथायनाय गोनं जागोन।
- ग. सासन खालामनाय: फसंथानारि सासन खालामनाया सोल्लोथाइयारि, खुंथाइयारि आरो राडारि जारखुंथाइनि सायाव गुदि खालामजानाय जागोन। मोनफ्रोम गोजौ सोल्लोथाइ फसंथाना मोनसे उदां बर्डजौ सासन खालामजानाय जागोन।
- घ. नेमखान्थि: नेमखान्थिया राडारि फोरमानथि आरो सरकारि थुलुंगागोनं-मानगोनं दाथाइ, फुनजि होनाय, गनायनायखौ फोथायहोना 'गोरलै नाथाय गोख्रौ' खालामजानाय जागोन, आरो नेमखान्थिया गोसो जानायनि गोनोगोथोखौ खारहोना उदां आफादफोरजौ सामलायजानाय जागोन।

3. फोरोंगिरि सोल्लोथाइ

फोरोंगिरि थियारि खालामनाय हाबाफारिफोरा मोजांथारै खालामजागोन आरो गोग्गाथाव, गोबां-आयदाफारियारि गोजौ सोल्लोथाइ फसंथानफोराव जायगा लाहोजागोन। गोबां-आयदाफारियारि फसंथानफोराव 4-बोसोर खुंथाइ जौसां-गुदि, आयदा-गुदि बेचेलर सोल्लोथाइ होनाया सासे फोरोंगिरि जानायनि गुदि राहायाव होजानाय जागोन। गाज्जि आरो मोजां सोल्लियै फोरोंगिरि सोल्लोथाइ फसंथानफोरा बन्द' खालामजागोन।

4. जिउ राहायारि सोल्लोथाइ

गासै जिउ राहायारि सोल्लोथाइया गोजौसिन सोल्लोथाइ खान्थिनि मोनसे खुंथाइ बाहागो जागोन। हारसिं-गसंथानाय आरोंदायारि मुलुगसोल्लोसालिफोर, देहा बिगियान मुलुगसोल्लोसालिफोर, आयेनारि आरो आबादारि मुलुगसोल्लोसालिफोर, एबा बेफोर एबा गुबुन आयदाफोराव थानाय फसंथानफोरा बन्द' खालामजानाय जागोन।

5. हाबायारि सोल्लोथाइ

बेयो गासै सोल्लोथाइनि मोनसे खुंथाइ बाहागो जागोन-बे पलिसिनि थांखिफोरा 2025 जौ गासै सोल्लोथाइफोरनि 50% सोब्लाबो हाबायारि सोल्लोथाइ मोननो हानाय जगायनायनि थाखाय।

6. हायुडारि नायबिजिरसं गायसंनाय

मोनसे गोदान खुंथाइया गासै हादरावनो नायबिजिरसंखौ फोसाबना गुवारसिन खालामनाय आरो गोदान दिहुननायाव थि खालामजानाय जागोन।

7. सोल्लोथाइयाव बिरोंदामिन

बे पलिसिनि सोल्लोथाइनि गासै थाखोफोराव बिरोंदामिन थियै सोसननाय थांखिफोरा थाखो खथानि फारिबिथिंफोरखौ सबसिन खालामनाय, फोरोंगिरि जिउराहायारि जौगानायखौ मदद होनाय, गोग्लैसोनाय हानजाफोरनि थाखाय सोल्लोथाइयारि मोनहोनायखौ बांहोनाय आरो सोल्लोथाइयारि थांखि, खुंथाइयारि आरो सामलायनायखौ साबसिन खालामनायनि थाखाय।

8. बैसोगोरा सोल्लोथाइ

बे पलिसिनि थांखिया 2030 जों 100% जौमोन आरो बैसोगोरा लेखा गोरों जाहोनायनि थाखाय।

9. भारतारि रावफोरनि जौगानाय

पलिसिया गासै भारतारि रावफोरनि फोथांनाय, दावगानाय आरो गोरव्रों खालामनायखौ रोखा खालामगोन।

10. रां होनाय सोल्लोथाइ

बेयाव सरकारि सोल्लोथाइखौ दावगाहोनो आरो गोरव्रों खालामनो थाखाय गोनांथार सरकारि रां-एरनाय दोनथुमनाय थागोन।

11. राष्ट्रीय शिक्षा आयग

राष्ट्रीय शिक्षा आयग एबा हायुडारि सोल्लोथाइ आयगा भारताव सोल्लोथाइनि थांखिनि बिबान थानाय गाहाइ मन्थ्रिजों महर दाना दावगाहोजानाय जागोन।



पलिसिनि गुदिखिथाफोर-गुबै आयदाफारिफोर



फरायसालि सोलॉथाइ

1. गिबि उन्दैसा जोथोन आरो सोलोंथाइखौ गोख्रौ खालामनाय

थांखि: 3-6 बोसोर बैसोआव थानाय साफ्रोम उन्दैसाया 2025 जौं बेसेन नाडै, रैखाथि गोनां, साबसिन गुनगोनां जौगानायें नांगौबादि जोथोन आरो सोलोंथाइ मोननो हानाय जागोन।

पलिसिया गिबि उन्दैसा सोलोंथाइनि गोब्राबथिखौ गोसो होसिननाय आरो बेनि मोजां गुनफोरखौ सासे गावारि सुबुंनि गासै जिउवावनो गोजोर लाखिनाय।

- क. गिबि उन्दैसा सोलोंथाइनि थाखाय गोनांथार दावगाहोनाय आरो गोख्रौ खालामनाया फारियै गामियारि गोनांथिफोर, भुमखौरां आरो बिथाइयारि-सानज'थाइ जोरनानै थानायखौ मोनसे गुबुन गुबुन बिथिंजौं नायनायनि गेजेरजौं जागोन।
- ख. जर'खा गोसो होसिननाय आरो खाबु होनाया जाय थि बादियै समाज-रांखान्थियारि मोजां नडै जिल्लाफोर/जायगाफोरनो होनाय जागोन। गुन गोनां आरो फिथाइ गोनां लाबोनायनि आरजाथाव जोथोन लाखिनायनि थाखाय फारिबिथिडा थि खालामजानाय जागोन।
- ग. फोरोंगिरि आरो बिमा-बिफा मोननैनि थाखाय थांखि गोनां गिबि उन्दैसा सोलोंथाइनि थाखाय मोनसे फरायसालिनि फरायफारि आरो फोरोंनायनि आदबखान्थियारि महरदाथाइया दावगाहोजानाय जागोन। महरदाथाइया 0-3 बोसोर बैसोफोरनो थि रोखोम बुजिनाय थुलुंगाखांनयनि थाखाय दिन्थिलामाफोर आरो 3-8 बोसोर बैसोफोरनि थाखाय सोलोंथाइयारि दिन्थिलामाफोर जगायगोन।
- घ. जिउराहायारि जौगालांबाय थानायनि थाखाय जौसाडारि-थिरोखोम फोरोंनाय, बोसोन होनाय आरो खाबुफोरनि गेजेरजौं गिबि उन्दैसा सोलोंथाइनि थाखाय साबसिन गुनगोनां फोरोंगिरिफोरनि लोगोआरि सोलोंग्रा आवहावाफोर आरो जिउराहायारि खालामनायनि महर होनाय आरो जिउ-दानाय महर होनाया आखाइयाव लाजानाय जागोन।
- ङ. गिबि उन्दैसा सोलोंथाइनि गासै बिथिंफोरानो **सोलोंथाइ मन्थिनि** आवथानि सिडाव फैगोन(सुबुं फुंखा जौगाथाइनि सोलिफु मन्थिया मुं सायख'जाफिनगोन बादियै), माखासे फरायसालि सोलोंथाइजौं गोहोम गोनाडै लोब्बा गोनां गिबि उन्दैसा सोलोंथाइ-मोनसे सोलायस्तु थांखिया सोलोंथाइ, आइजो आरो उन्दैसा जौगानाय, आरो देहा आरो नखर अनसाइ आफादफोरनि मन्थिफोरजौं जयै 2019 जौं थि खालामजानाय जागोन।
- च. मोनसे गोहोमगोनां **गुनगोनां नेमखान्थि** एबा गनायनाय खान्थिया राजि जानायखौ रोखा खालामना गासै गिबि-फरायसालि सोलोंथाइ(सरकारि नडै, सरकारि आरो निखाउरि मददगिरि खुंथाइ) फोरावनो गोसारनायनि थाखाय बानायजानाय जागोन।

- छ. **अनसाइजानाया** गेदेर-थाखोनि उकिल आरो फोरमायथिनायखौ गुवारै फोसावनायनि गेजेरजौ बिमा-बिफाफोरा गावसोरनि गथ'साफोरनि सोलॅनांगौनि गोनांथिफोरखौ मोजाडै मदद होनो हानायनि थाखाय बान्था रानगिरिफोरनिफ्राय अनथोब होजानाय जागोन।
- ज. **सोलॅथाइनि मोन्थाइ खान्थि 2009** या गासै 3-6 बोसोर बैसोफोरनि थाखाय बेसेन नाडै आरो लाथारनांगौ गुनगोनां सोलॅथाइ मोननो हानायनि रोखा खालामना होजानाय जागोन।

2. गासै गथ'साफोरनि गेजेराव फरायनो-लिरनो रॉनाय आरो आनजिमा सानगोरों गायसंनायखौ रोखा जाहोनाय

थांखि: 2025 जों 5 थाखोआव आरो बेनि सिडाव थानाय साफ्रोम फरायसाखौनो फरायनो-लिरनो रॉनाय आरो आनजिमा सानगोरों गायसंनायखौ मोनफुंहोनाय।

पलिसिया गिबि राव आरो सानखान्थिफोरजों लोब्बा गोनां आंखालथिखौ बांसिन सोल्लोनाय आरो बेखौ बांसिनथार गोसो होसिननाय लाबोगोन।

क. आदार आरो सोल्लोनाया एंगारथावै लोब्बा गोनां। सानजौफुनि आदार जानाय हाबाफारिया मोनसे फुनि आदार जानाय आरो मोनसे सानजौफुनि जानाय मोननैयाव बोखावजागोन आरो बेयो गिबि-गुदि आरो गुदि फरायसालि फरायसाफोरनि थाखाय जगायजानाय जागोन। हाबाफारिनि खरसाया आदार जगायनायनि गुनखौ फोथायहोना आदारनि बेसेन लानाय आरो बारा लानायनि लोब्बा लाखिजानाय जागोन।

ख. गुनगोनां मुवाफोरनि गनायथावना थि खालामना मोननो हाथाव खालामनायनि मोनसे गोरखों खान्थिजों लोगोसे 1-5 थाखोफोराव फरायनो-लिरनो रॉनाय आरो आनजिमा सानगोरों गायसंनायनि सायाव बांसिन गोसो होसिननाय जागोन। राव आरो सानखान्थिनि मोनसे हायुडारि खारिथिखौ हायुडारि फोरोंगिरिनि फर्टेलावनो मोननो हानाय जागोन।

ग. फोरोंगिरिफोरनो मदद होनाय बादियैनो मदद होनो थाखाय बिरोंदामिनारि लोब्बा लाखिनायफोरनि राहा होजानाय जागोन, आरो सरासनसा आरो फरायसालि लाइब्रेरिफोर बोखावनाया फरायनाय आरो सावरायज्जलायनायनि मोनसे हारिमु बानायनायनि थाखाय जागोन।

घ. गासै थाखो 1 फरायसाफोरा मोनसे थाम-दान गोलाव फरायसालि थियारि खालामनाय फराय-आयदाफारियाव बाहागो लानांगोन।

ङ. फोरोंगिरि सोल्लोथाइया फरायनो-लिरनो रॉनाय आरो आनजिमा सानगोरों गायसंनायनि सायाव गोसो होनायखौ मोनसे गोदानै सोलिहोफिननाय गोनां महर होफिनजानाय जागोन।

च. मोनसे हायुडारि नखर-फोरोंग्रा हाबाफारि(समान थाखोनि नखर-फोरोंग्रा सोनाय) आरो मोनसे बोसॉनाय बिथोनारि मदद होनाय हाबाफारि(सुबुं समाजनिफ्राय बोसोन्थिग्राफोर लाबोनाय) या खुंजानाय जागोन।

छ. मोनफ्रोम फरायसालियावनो 30:1 नि सिडाव फरायसा-फोरोंगिरि हारा थिसनजानाय जागोन।

ज. समाजारि मावगिरि आरो बोसोनगिरिफोरा गासै गथ'साफोरनि रोखा गोसोआव थानाय गुन आरो मेलेमारि देहा दावगानाय जोथोन लानाय मदद होगोन, बिमा-बिफायारि बाहागो लानाय आरो गामियारि सुबुं समाज आरो मावसोमग्रानि जथाइनाया फरायनो-लिरनो रॉनाय

आरो आनजिमा सानगोरोँ गायसंनाय जाफुंनायाव सोमोन्दो गोनं पलिसि थांखिफोरखो
रोखा खालामनायनि थाखाय मोजां खाबु लाहोजानाय जागोन।

3. गासै थाखोफोराव थानाय सोल्लोथाइखौ बुहुमनाडैनो मोननो हानाय आरो गोरलैयै गोसोआव लाखिनो हानाय खालामनाय

थांखि: 2030 जौ 3-18 बोसोर बैसोआव थानाय गासै गथ'साफोरनि थाखाय गुनगोनां फरायसालि सोल्लोथाइखौ बेसेन नाडै बाहागो लानाय आरो बाहागो लाथारनांगौ खालामनाय।

जेब्ला मुं थिसनगासिनो थानायखौ लिरथुमगासिनो थायो अब्ला पलिसिया जौनि हायै जानायावबो फरायसालियाव गथ'साफोरखौ लाखिनो नाजानाय।

- क. 2030 जौ गेजेर खलबारि फरायसालिनि गेजेरजौ गिबि-फरायसालियाव 100% गासै मुं थिसननाय हारखौ बायदि बायदि बिथिनि गेजेरजौ मोनहैहोनायनि थाखाय।
- ख. आद्रा थानायफोरखौ मोनफुंहोनाया गासै फरायसाफोर, जरखायै हिनजावसाफोरनि रैखाथिखौ रोखा खालामना गारिजौ लांलाय-लाबोलाय आरो हस्थेल खाबुफोरनि गेजेरजौ जोरनानै थानाय फरायसालिफोराव थिसननाय बांहोनाय, रैखाथि/रैखाथि नडै जायगाफोर आरो फरायसालिनि सिडाव गोदान खाबुफोर बांहोनाय जुस्थि गोनां मदद होनायनि गेजेरजौ आबुं खालामजानाय जागोन।
- ग. गासै गथ'साफोरनि बाहागो लानाय आरो सोल्लोनाया मुं थिसननाय गथ'साफोर, फोरोंगिरिफोर, समाजनि मावग्रा आरो बोसोनगिरिफोरजौ लाबोजानाय फरायसालि गारनाय आरो फरायसालियाव हाबै गथ'साफोरखौ हाजिर जाहोनाय खालामना सोल्लोनाय रोंहोथारनायखौ रोखा खालामनाय, आरो फरायसालियाव हाबै जौमोन-सुबुंनि गोलाव-सम हाबाफारिनि गेजेरजौ रोखा खालामजानाय जागोन। खान्थि गोनां आरो खान्थिगैयै रोखोमफोरजौ लोब्बा गोनां सोल्लोनायनि बायदि बायदि राहा-लामाफोरखौ गोखौ उदां आरो सरकारि नडै सोल्लोथाइ होग्रा आरो बिरोंदामिन आफादफोराव मोननो हानाय जागोन।
- घ. फरायसाफोरा देहा जेंनाफोर, माखासे बिथिफोरनि थाखाय फरायसालियाव थांनो हायै जानायनि जाहोनाव बिसोरो फरायसालियाव थाबैनो फैफिननो हानायखौ रोखा खालामनायनि थाखाय फरायसालिफोराव देहा फाहामग्राफोर लेंहरथ'नायखौ लाफाना, फरायसाफोर, बिमा-बिफाफोर आरो सरासनसा राइजो समाजनि गेजेराव सांग्रांथि लाखिनाय, आरो बिसोरखौ लोब्बा लाखिलायहोनाय खालामना देहा फाहामथाइ राहाखौ थि खालामनाय जागोन।
- ड. सोल्लोथाइनि मोन्थाइ खान्थिनि गोनांथिफोरा सरसासनसायै खम बादा गोनां बानायजानाय जागोन जेब्ला सोल्लोनाय रोंहोथारनायनि थाखाय फरायसालिफोरनि रैखाथि गोनां(देहायारि आरो मेलेमारि), मदद मोननो हानाय गोहो गोनां, मुलाम्फा-गैयै आखुथाइ गोनां, आरो खम मानगोनांफोर थि खालामनाय थायो। बेयो गामियारि फारागथि आरो सोलायथि रोखोमफोरनि थाखाय गनायथि होजानाय, जुदि बेयो सरकारियारि आरो सरकारियारि-नडै खुंथाइनि थाखाय गंसे फरायसालिखौ जागायनायाव गोरलैसिन बानायनायनि थाखाय।

च. सोलॅथाइनि मोन्थाइ खान्थिया नार्सारि-थाखोनिफ्राय 12 थाखोसिम बेसेन नाडै आरो लाथारनो गोनां सोलॅथाइ मोननो हानाय खालामथारनाय।

4. फरायसालि सोल्लोथाइनि थाखाय गोदान फरायफारि आरो फोरॉनायनि आदबखान्थि दाथाइ

थांखि: फरायसालिनि फरायफारि आरो फोरॉनायनि आदबखान्थिया सोल्लोफलेनांनायखौ खमायनाय आरो थुलुंगानि अनगायै गोथारथि जौगाहोनाय आरो 21* जौथाइ रॉंगौथि गियानफोर जैरै- गोब्राब साननाय, सोरजिलुथि, बैगियानिक आखु, सावरायज्जलायनाय, लोगोनांनाय, बां-रावारि, जेंना सुसंनाय, बोसोनारि, समाजारि बिबान, आरो डिजिटेल रॉंगौथिनि बिथोनाव 2022 जॉ महर होजाबाय।

फरायसालि सोल्लोथाइनि फरायफारि आरो फोरॉनायनि आदबखान्थि दाथाइया गावसोरनि जौगाथाइनि गुबुन गुबुन थाखोफोराव थानाय सोल्लोगाफोरनि जौगाथाइयारि गोनांथिफोर आरो गोसो जानायफोरनि थाखाय बेखौ बिबानारि लोब्बा गोनां बानायनायनि थाखाय साजायफिनजानाय जागोन।

- क. फरायफारि आरो फोरॉनायनि आदबखान्थियारि दाथाइ आरो फरायफारि महरदाथाइया फरायसालि सोल्लोथाइनि थाखाय बेनिखायनो मोनसे 5+3+3+3+4 जॉ महर होजानाय जागोन:
- गायसंगिबि थाखो(बैसो 3-8 बोसोर): गेलेनाय आरो मुखुब दिहुनायनि सायाव गुदि खालामना गोरत्रै मेलेम जौगाहोनाय; सोल्लोहोनाय
 - लाहार-फाहार थाखो(8-11 बोसोर): गेलेनाय आरो दिहुननायनि सायाव रॉखा-राखा खालामनाय: दाथाइ सोल्लोनायाव सोलायनाय जागायो
 - गेजेर थाखो(11-14 बोसोर): आयदाफोराव थानाय गुमुरफोरखौ सोल्लोनाय; जौमोन सुबुंखौ दावबायहोनो जागायो
 - गेजेर खलबारि थाखो(14-18 बोसोर): जिउखांनाय आरो गोजौ सोल्लोथाइनि थाखाय थियारि खालामनाय; जौमोन बैसोगोरा जिउखांनायाव सोलायनाय
- ख. गेजेर खलबारि थाखोआ बोसोरब्रैनि गोबां आयदायारि फरायसं सोसनगोन आरो फरायसाजॉ गोरबनाय गोनां जिउ थांखिफोरनि थाखाय गोथौ, गोब्राब साननाय, गोसो होनाय आयदा लाबोगोन।
- ग. फरायसालि सोल्लोथाइनि आयदाफारि आरो फारिखान्थिया गोथारथि सोल्लोगाफोरखौ जौगाहोनो थाखाय फोरॉफिनजानाय खालामगोन। फरायफारि बजाय जाहोनाया गाहाइ गुमुर आरो गोनांथार सोलोफोरखौ खम खालामनाय, बिब्दिनो गोथौसिन आरो बांसिन नायबिजिरथियारि सोल्लोनायनि थाखाय खाबु लाहोनाय जागोन।
- घ. गासै फरायसाफोरा रावफोर, बैगियानिक आखु, मोजाडै साननो हानाय आरो आरिमु, सावरायज्जलायनाय, बोसोनारि जुख्थि होनाय, डिजिटेल रॉंगौथि, भारतनि गियान आरो गोब्राब जेंनाफोरा गामियारि सुबुं समाजफोर, हादर, आरो मुलुगखौ मोगामोगि जाहोनायनि गियानाव रॉसारथिखौ जौगाहोनो थुलुंगा होजानाय जागोन।

- ड. गोब्राब नडै आलादा फरायफारि, लेडाइ-फरायफारि एबा उफ्रा-फरायफारि आयदा बाहागोफोर गोनां; आरिमुफोर आरो बिगियानफोरबो गैयै मोनसे गोरलै फरायफारि, आरो 'हाबायारि' आरो 'सोलॅंथाइयारि' बिजॉफोरा गेजेर खलबारि फरायसालि थाखोआव लाखिजानाय आयदा बाहागोफोरखौ जाथावगौ बादियै फरायसाया गोसोबादियै सायख'ना लानो हानाय जागोन।
- च. सोलॅंथाइया खमैब्लाबो थाखो 5 सिमाव गामियारि राव/बिमा राव नाथाय गोसो होसिननायै थाखो 8 सिमाव जेराव गोनांथि जायो बेयाव मोनसे आरजावथाव (मोननै राव रायलायनायारि) रावनि सिडाव होजानाय जागोन।
- छ. साबसिन गुनगोनां फराबिजाबफोरा गोनांथि जानाय आरो बुजिनो गोरलै बादियै बिमा रावफोरनि सिडाव गोबां खालामजानाय जागोन आरो मुवाफोरा बैंगुरा-बैंगुरि सुबुंफोरनि थाखाय जगायना होजानाय जागोन।
- ज. मोनथाम राव-नेमखान्थिया गासै हादरावनो थुलुंगाखांनायाव बाहायजानाय जागोन; जरखा बिथिंफोरा राव फोरॉगिरिफोरखौ रॉखा-राखा जाहोना थिसननो लाजानाय जागोन।
- झ. हाबायारि फोरमायनाया 6-8 थाखोफोराव गासै फरायसाफोरखौनो हाबायारि रॉगौंथिफोर आरो आखाइजॉ दानाय-लुनायफोरनि सायाव बोसोरसे जरिब फरायफारि लानायजॉ गिबि जागायजेनगोन। 9-12 थाखोफोराव थानाय गथ'साफोरा 'गलायगथाइ आरो एखे हारि' खौ फरायसाफोरा सायख'ना लानो हानाय गोनां गोबां दोरोडारि सोलॅंथाइयारि फरायफारिजॉ लोगोसे हाबायारि फरायफारिफोर लानो हानाय जागोन।
- ञ. हायुडारि फरायफारि महरदाथाइया जोबथि-2020 जॉ नायफामना फोसाबफिनजानाय जागोन, आरो गासै ओनसोलारि रावफोराव मोननो हानाय खालामजागोन। गोदान फरा-बिजाबफोरा दिहुनजागोन आरो साबसिन गुनगोनां रावसोलायनायफोर खालामजानाय जागोन।
- ट. थि खालामनाया फरायसा जौगानायखौ मदद होनो थाखाय महर होजानाय जागोन। गासै आन्जादफोरा(बर्ड आन्जादफोरखौ लाफाना) गोजौंसिन बिथोन गोहोजॉ लोगोसे गुदि गुमुर आरो रॉगौंथिफोरखौ आन्जाद नायनाय जागोन। 2025 जॉ, गेजेर फरायसालि थाखो आरो बेनि उननि थाखोआव थि खालामनाया आरजाथाव कम्पिउटारारि आन्जाद नायनायनि गेजेरजॉ लाजानाय जागोन। 2020/2021 निफ्राय जारखुं हायुडारि आन्जाद नायनाय थान्दैया रॉगौंथि आनजाद नायनाय आरो बायदि बायदि आयदाफोराव थानाय आन्जादफोर फाथिगोन जाय बोसोरनि गेजेरावनो बायदि बायदि फोरबोफोराव फाथिजानाय जानो हायो।
- ठ. सोमोनांथाव मेलेमजिबि आरो बरायजानाया आयदा-मिरु आरो फरायसालिनिफ्राय जिल्ला थाखोसिम थानाय मावबिथांखि-गुदि क्लाब, जायगायारि गोलोमबोथोरनि हाबाफारिफोर, आरो बोसोरब्रैयारि गेलेनाय खुंनाय आरो बादायनायफोरनि गेजेरजॉ सिनायथि होजानाय आरो फोसावजानाय जागोन।

5. फोरॅंगिरिफोर- सोलायनायनि थुलुंगाखांहोग्रा

थांखि: फरायसालि सोलॅंथाइनि गासै थाखोफोराव थानाय गासै फरायसाफोरखौनो गोगो सानदांथि गोनां, थुलुंगा गोनां, आबुं गियान गोनां, जिउराहायारियै सोलॅंथाइ मोननाय आरो गाहाम गियान गोनां फोरॅंगिरिफोरजों फोरॅंजानायखौ रोखा खालामनाय।

बे पलिसिया 'जौनि समाजनि बांसिन गोनांथार सोद्रोमाफोर आरो सोलायनायनि थुलुंगाखांहोग्रा' बादियै फोरॅंगिरिफोरखौ सानना लायो। फोसावजाथावना गुनगोनां सोलॅंथाइनि थाखाय जायखिजाया नाजाथाबनायनि जाफुंनाया फोरॅंगिरिनि गुननि सायावनो सोनारना दं।

क. गुनगोनां सोलॅंथाइ फरायसा-बान्थाया ब्रै बोसोर खुंथाइ B.ED. हाबाफारिखौ लानायाव गोगलैसोनाय, गामियारि एबा हरियारि ओनसोलफोरनिफ्राय साबसिनथार फरायसा मोननो हानायाव होजानाय जागोन। माखासे बिथिडाव बिसोरनि गामियारि ओनसोलफोराव साखि होनाया रोखाथार खालामजानाय जागोन। हिनजावसा फरायसाफोरा थि-बिथिडाव थांखि गोनां खालामजानाय जागोन।

ख. **फोरॅंगिरिफोर थिसननाया** गासै फरायसालियावनो मोजां फोरॅंगिरि नांगौ जानाय थांखिनि सायाव गुदि खालामना मोनसे गोखों फारिखान्थिनि गेजेरजों खालामजानाय जागोन, जेरै-गामियारि फोरॅंगिरिफोरखौ बांसिन खाबु होनाय आरो जेब्ला गलायमोन्देर सुबुं थायो अब्ला बैसोरो गामियारि रावफोराव मोजांखौ नायनायजों। गिबि बिथिडाव फोरॅंगिरि उदायथि आन्जाद लानाय जागोन बेनि उनाव मोनसे मोगामोगि लानायजों लोगोसे फोरॅंनाय दिन्थिनाय लानाय जागोन। फोरॅंगिरिफोरा दा गोबां हादरसाफोराव थिसनजानाय बादियै जिल्लाफोराव थिसननाय होजाना गंसे फरायसालि आवथायाव थिसनजानाय जागोन, आरो मोनसे रोखा बिरॅंदामिन-गुदि खान्थिनि गेजेरजों खान्थि बादियै मोनसे थि बिबान गोनां खालामना खान्थि बादियै दैथायहरजानाय गोनां जाथारगोन। बिसोरो गामियारि ओनसोलफोराव फोरॅंनो लुबैखानाय जानांगोन।

ग. **'फारा-फोरॅंगिरिफोर'**(आबुं गियान गैयै, सम-खोन्दोआरि फोरॅंगिरिफोर) नि बाहायनाया गासै हादरावनो 2020 जों **बन्द** खालामजानाय जागोन।

घ. **फोरॅंगिरि जिउराहायारि जौगालांहोबाय थानाया** फोरॅंगिरिफोरा मोजां मोननाय जायखौ बिसोरो सोलॅंनो लुबैयो आरो बेखौ बिसोरो माब्रै सोलॅंनो लुबैयो बेनि मोनसे गोरलै आरो गियान दालांग्रा मोननो हानायनि सायाव गुदि खालामना होजानाय जागोन। सांग्रां जाहोनाया जुरिजेननाय फोरॅंगिरिफोरनि साननायखौ नायना बोसोनखान्थिनि फारिखान्थि लाहोजानाय जागोन। हादरसाफोरा साफ्रोम फोरॅंगिरिनि मोजां मोनजानाय जिउराहायारि जौगानाय आरो जिउराहायारि थांखि मोननो हानायनि थाखाय मोनसे बिरॅंदामिनारि खान्थि बानायना लानांगोन। बेयाव फरायफारिनि मिरुवारि थि खालामनाय गैयै, गुवारदाइ-महरनि

- फोरॅंथाइ होनाय गैयै आरो गोब्राब खान्थिफोर गैयै जागोन। बेफोर हाबाफारिफोरखौ सामलायनायनि फुंखा सुबुडा गोहोम गोनाडै सोलॅंथाइ गोनां आरो खामानियाव बिबान गोनां जागोनखौ नायना जोथोनै सायख'नाय जागोन।
- ड. मोजां फरायसा-फोरॅंगिरि हारजॉ लोगोसे आबुं देहानि बिथायारि-सानज'थाइ, खाबुफोर आरो सोलॅंनाय फुंखाफोरा **फोरॅंगिरिफोरनि खामानिखौ खाबु** होनायनि थाखाय रोखा खालामजानाय जागोन। बोसांनाय हाबाफारिया जाय गासै फरायसाफोरखौनो रॅंहोथारनाय खालामनो गासै बिथिडावनो फोरॅंगिरिफोरखौ मदद होनो गायसननाय जागोन।
- च. गासै फोरॅंगिरिफोरानो फरायसालि समफोर (जेरै- सानजौफुनि जानाय आदार संनाय, फरायसालि दैथायनायखौ जगार खालामनाय बायदि बायदि) नि गेजेराव फोरॅंनाय-गैयै आखुथाइफोरनि महराव हॅंथा होनाय गैयैजॉ फोरॅंनो मोननाय जाथारनांगौ। बेनि उनाव फोरॅंगिरिफोरा जाहोन गैयाबालानो एबा सुथिनि गनायथि लानाय गैयाबालानो फरायसालियाव थाडाबाला थानो हानाय खाबु होजानाय जागोन।
- छ. साफ्रोम **गाहाइ फोरॅंगिरि आरो/एबा फरायसालि गाहाइ फोरॅंगुरुवा** गोरा बिल्डिं-फरायसालि जौगाथाइ फारिखान्थिफोर आरो मोनसे मदद गोनां फरायसालि हारिमुनि थाखाय बिबान लागोन। फरायसालि सामलायग्रा आफादा सांग्रांथि लाखिगोन, आरो फरायसालि सोलॅंथाइनि दिथागिरि मावख' आफादा बिसोरनि खुंलांगासिनो थानाय जेरै मोनसे हारिमुखौ मदद होनो थाखाय दिथा होफिनगोन।
- ज. फोरॅंगिरिफोर आरो फोरॅंगिरि सोलॅंथाइ होग्राफोरनि थाखाय भारतारि रावफोरनि सिडाव थानाय साबसिन गुनगोनां मुवाया गासै फरायसाफोरनिबो लोब्बा लाखिनायखौ रोखा खालामनाय बिथोनाव गिबि खाबु होजानाय जागोन।
- झ. गासै जोरनानै थानाय सोलॅंथाइयारि मदद फसंथानफोरखौ गोख्रॉसिन खालामनायाव **जुरिजेननाय सोलॅंथाइयारि मदद फसंथानफोरा** मोनसे जोथोन लानाय थांखिजॉ गिबि खाबु होजानाय जागोन।
- ञ. गासै फोरॅंगिरिफोरा मोनसे खम बोसोर फोरॅंनाय रॅंमोन्थाइनि उनावनो सोलॅंथाइयारि खुंथाइ नडाब्ला फोरॅंगिरि सोलॅंथाइनि गेजेराव बारस्लायहोजानाय जागोन। गोलाव समनि बिथिडाव, गासै सोलॅंथाइयारि खुंथाइयारि थाखोफोरा साबसिनथार फोरॅंगिरि जाय खुथाइयाव गोसो दं बिसोरनि थाखाय थि जायगा दोनखानाय जागोन।

6. हादरनि सिडव थानाय साफ्रोम उन्दैसाफोरनि थाखाय गनायथाव आरो नांगौबादि सोल्लोथाइ

बे पलिसिनि थांखिफोरा जाय भारतनि गासै गथ'साफोरानो मुलाम्फा मोननो हायो बेनि थाखाय मोनसे सोल्लोथाइ खान्थि महर होनाय जाहाथे रावबो उन्दैसायानो जोनोम एबा थासारिनि जाथाइदिंफोरनि थाखाय सोल्लोना साबसिनथार जानायाव जेबो खाबु खोमानाडा।

थांखि: मोनसे नांगौबादि आरो गनायथाव सोल्लोथाइ खान्थिखौ मोनहोनाय जाहाथे गासै गथ'साफोरानो सोल्लोना जाफुंसारनायाव समान खाबु मोननो हानाय जायो, आरो जाहाथे बाहागो लाना सोल्लोनाय फिथाइफोरा 2030 जौं गासै हौवा-हिनजावफोर आरो समाजारि थाखोफोरावनो समान मोननाय जायो।

- क. पलिसिनि गिबि उन्दैसा सोल्लोथाइजौं लाब्बा गोनां आखुथाइफोर, लिरनो-फरायनो रौनाय आरो बिसान सानगोरौं गायसंनाय, फरायसालि मोनहोनाय, मुं थिसनहोनाय आरो हाजिर जाहोनाया गोग्लैसोनाय थान्दै हान्जाफोरनिफ्राय थानाय फरायसाफोरखौ गोसो होथाबहोना मदद मोननाय आजावहोनाय।
- ख. जरखा सोल्लोथाइ बियाबफोरा गासै हादराव थानाय गोग्लैसोनाय ओनसोलफोराव थि खालामजानाय जागोन। समाजारि जौगानायखौ रोखा जाहोनायनि गुदि खालामना समाजारि-रांखान्थि होनायखौ हादरसाफोरा बेफोर बियाबफोरनो फोरमायनो थाखाय थुलुंगा होजानाय जागोन आरो मिरुवारि सरकारा हादरसाजौं बाहायजानाय गासै रानि थाखाय 2:1 नि हाराव राडारि मदद होगोन। बे पलिसियाव मुख'नाय बै गासैबोनि सायाव बेफोर बियाबनि आखुथाइ लानाय जानांगोननि गुदि सोलोआ मिरु आरो हादरसाजौं जयै बोसोन्थिनाय गोनां मोनसे थि आखुथाइनि सिडव गोग्लैसोनाय थान्दै हान्जाफोरनि सरजाबनायनि थाखाय ।
- ग. माखासे गहाइ थांखिफोरा फोरौंगिरिफोरा गावसोरखौनो अरायबोयै सांग्रां लाखिनायजौं गोहो जौगाहोनाय, सोल्लोथाइयारियै गोग्लैसोनाय थान्दै हान्जाफोरनिफ्राय फोरौंगिरिफोरनि थिसननायनि थाखाय गुबुन राहालामा सोरजिनाय, 25:1 निख्रुइ बारा नडै सोल्लोथाइयारियै गोग्लैसोनाय थान्दै हान्जाफोरनिफ्राय थानाय सोल्लोग्राफोरनि मोनसे गोजौं रुजुजखाजौं फरायसालिफोराव फरायसा-फोरौंगिरिनि हारखौ सिमा गोनां खालामनाय, जाय थंनि दुखु होनायफोर, सिगिसग' होनायफोर आरो आथोनारि हिंसा खालामनाय आरो मावसोल्लो बोखारनाय गैयै खालामनाय, फरायफारि फोसाबफिननाय बेखौ नांगौबादि बानायना जुन्थियारि गायसननायनि गेजेरजौं नांगौबादि फरायसालि आबहावाफोर सोरजिनाय।
- घ. साफ्रोम फरायसानि थाखाय खालारारि फोरमायनाया मिरु सोल्लोथाइयारि अनजिमा बिगियान बिफानजौं लाजानाय खारिथि फोरमायनाय गोनां सोल्लोथाइयारि खारिथिनि हायुडारि दोनथुमसालियाव सामलायजानाय जागोन।

- ड. पलिसिया गोग्लैसोनाय थान्दै हानजाफोरनिफ्राय थानाय फरायसाफोरनि थाखाय थिरोखोमै सोल्लोथाइ बान्था, जौगाथाइ फुंखाफोर आरो खाबुफोर जगायनायनि थाखाय सोरजिना मोनसे हायुडारि फुनजिनि गेजेरजौ सासे फरायसानो राडारि मदद खालामो आरो फुनजि होनाय आरो मदद होनाय सरजाबफानाय थांखिया जिल्लाफोर आरो फसंथानफोरनोबो मोनहोनाय। मदद होबावनायफोरा हायुडारि नखर-फोरोंग्रा हाबाफारि आरो बोस्रानाय बोसोन्थि मददारि हाबाफारि, सानजौफुनि आदारजौ लोगोसे फुंनि आदार जानाय होनायाव खामानि होनाय, आरो जरखा समखोन्दोआरि साखिनि खाबुफोर होनाय। फुनजि होनाया थि सोल्लोथाइनि सायाव नायबिजिरसनि थाखाय होनायबो।
- च. आइजोनि बाहागो लानाय आरो हिनजावसाफोरनि सोल्लोथाइया फरायसालि फोरोंगिरिफोर आरो हिनजावसा फरायसाफोरनि गेजेराव थानाय हौवा-हिनजावारि फारागथिखौ समान गुननि खालामनो नाजानायनि थाखाय, हारियारि, हारि आरो दोहोरोम-गुदि हानजाफोरनि सोल्लोथाइया ओरैबादि फोथायहोनायदि जाय बेफोर सुबुं समाजफोरनि गथ'साफोरा गावसोरनि थाखायनो गासै मुलाम्फा गोनां गुनखौ मोननो हानाय, फरायसाफोरखौ मदद होनायनि बिथोनाव नोगोरारि निखाउरि नखरफोरनि गथ'फोरनि सोल्लोथाइया नोगोरारि गोग्लैसोनाय ओनसोलफोरनि सिडाव थानाय जिउखौ दावगाहोनायनि थाखाय आरो गथ'साफोर जरखाथि गोनांथि थानाय लोगोसे हिज्रा गथ'फोरनि सोल्लोथाइया गिबि थाखोनिफ्राय जिनै थाखोसिम थानाय खाथिनि फरायसालिफोरनि सिडावनो गथ'साफोरनो जरखा सोल्लोथाइ होनायखौ सोलिहोबाय थानाय खालामना नोजोर लाखिनायखौ गोदान खालामफिननाय बेफोरो बे पलिसियाव थानाय गुबुन गोनांथार आखाइ होनाय।

7. फरायसालि आवथाफोरनि गेजेरजों फरायसालि सोल्लोथाइयाव सासन खालामनाय

थांखि: फरायसालिफोरा फरायसालि आवथाफोरनि सिडाव हानजा जानाया फुंखाफोरखौ होलाय-लालाय खालामनाय आरो फरायसालि सासन खालामनायखौ बांसिन गावनि जायगानिनोखा, गोहोम गोनां, आरो आखाफाखा जाहोनाय खाबु होनायनि थाखाय।

फरायसालि आवथाफोरनि गायसननाया जाय सरकारि फरायसालिफोर, थि रोखोमनि फिसा फरायसालिफोर, बावैसो गायसंनायनि गोबां फुंखानि जेंना साग्लोबजानायखौ खम खालामनायाव मदद होगोन। गोबां सरकारि फरायसालिफोर थानाय बादियै देहायारियै फरायसालिफोरनि थाखाय गोदान जायगा थांनांगौ गैयै मोनसे आफादारि आरो खुंथाइयारि थाखोआव ज' खालामजानाय जागोन, बेयो फरायसाफोरनि थाखाय गोब्राब जेंना गोग्लैनांनाय गैयै गोहोमगोनां खुंथाइ थाखोफोरनि महराव मदद होगोन।

- क. हादरसा सरकारफोरा 2023 जों सुबुं अनजिमा बाहागो राननाय, लोब्बा गोनां आरो गुबुन जायगानि खाबु होनायफोरनि मथै आवथाफोरावनो फरायसालिफोरखौ हानजा खालामगोन। हानजा खालामनाय बाहायनाया जोबोर खम थिसननाय (जेरै <20 फरायसाफोर) गोनां फरायसालिफोरनि नायफामना थिसननाय लाबोगोन। मोनसे समावनो हाबनो हानाया जेरै लांलाय-लाबोलायनि राहाखौ सिमा लाखिनाय दारै फारिखान्थियाव गोहोम होजानाय नडै। फरायसालिफोरनि जोरनानै थानायनि थामानखौ नायबिजिरना नायनायनि थाखाय हादरसाफोरनि थाखाय मोनसे खाबुबो होनाय जागोन।
- ख. फरायसालि आवथाफोरा फिसा फरायसालिफोरनि बोखावनायखौ बोखारगोन, आरो फोरोंगिरिफोर आरो फोरोंगुरुफोरनि मोनसे सुबुं समाज सोरजिगोन जाय गावजोंगाव-सोल्लोथाइयारियै आरो खुंथाइयारियै जयै मावना मदद होलायनो हायो। फरायसालि आवथाया सरकारि फरायसालि खान्थिनि गुदि खुंथाइ थाखो खालामजागोन।
- ग. मोनसे फरायसालि आवथाया मोनसे फोनांजाब/खाथि-खाथि भुमखौरां ओनसोलनि गोजोराव गिबि गायसंनाय थाखोनिफ्राय 12 थाखोसिम सोल्लोथाइ होनाय फ्रायै 10-20 सरकारि फरायसालिफोरनि मोनसे जथाइ खालामजागोन। गेजेर-खलबारि फरायसालिनि फोरोंगुरुवा फरायसालि आवथानि गाहाइ जागोन।
- घ. मोनफ्रोम फरायसालि आवथाया मोनसे लेडाइ-गावखुंथाइ गोहो गोनां थाखो खालामजागोन जाय बैनो मोनसे गेजेर खलबारि फरायसालि(थाखो 9-12) हाबफानाय गिबि थाखोनिफ्राय 12 थाखोसिम सोल्लोथाइ होगोन आरो गासै सरकारि फरायसालिफोरा गावनि खाथियावनो गुदि/थियारि खालामनाय आरो गेजेर फरायसालि सोल्लोथाइ गियान होनाय लाबोगोन।

- ड. फरायसालि आवथाफोराव फरायसालिनि हानजा खालामनाया आयदा फोरोंगिरिफोर, गेलमु, देंखो आरो आरिमु फोरोंगिरिफोरखौ लाफाना बोसोन होग्रा आरो समजारि खामानि मावग्राफोरनोनो गासै फरायसालिफोराव फुंखाफोरनि होलाय-लालाय खालामनो हानाय खालामगोन। देहायारि फुंखाफोरनि बाहागो रानग्रा मोनसे मोजां-आफादबो थागोन जेरै- फोरमानख'फोर, लाइब्रेरिफोर, ICT आगजु, देंखोआरि दामग्रा-आगजु, गेलेमु आगजु, गेलेमु फोथार बायदि बायदिखौ सरकारि फुंखा खाबुफोरनि गोबांसिन बाहायनायाव राहा होनाय।
- च. थांखिया फरायसालिफोरा गिबि थाम बोसोर गायसंजेननाय सोल्लोथाइनि खाबु होनाय, फसंथानफोरा हाबायारि सोल्लोथाइ आरो बैसोगोरा सोल्लोथाइनि खाबु होनायखौ लाफाना, फोरोंगिरि मदद होग्रा फसंथानफोर आरो जरखा गोनांथि जानाय गथ'साफोरनि थाखाय मदद होनाय जाय बैखौ मोनसे मोजां-फोनांजाब भुमखौराडारि ओनसोलनि गेजेरावनो थाहोना गावसोरनि खामानियाव गावजोंगाव मदद होनो हानाय सोल्लोथाइयारि खाबुफोरनि मोनसे जथायनाय सोरजिनायनि थाखाय। जिल्लायाव थानाय गोजौसिन सोल्लोथाइ फसंथाना मदद(जेरै- फोरोंगिरि जिउराहायारि जौगानाय मदद होनाय) बो जगायगोन।
- छ. मोनसे गुवार फोरोंगिरि जौगानाय थांखिया मोनफ्रोम आवथानि थाखायनो खालामजानाय जागोन, आरो समान मानथाखोनि सुबुं समाजफोरा फारिखान्थिफोर जेरै- सफ्टायारि मेलफोर, फोरोंगिरि सोल्लोनाय मिरुफोरनि गेजेरजों सांग्राडै दावगाहोना जौगाहोनाय लाबोगोन। बिब्दिनो जिउराहायारि जौगालांहोबाय थानायनि गुबुन राहाफोरा माखासे सावरायमेलफोर, थाखोआव बोसोन होनाय, फोसावनो गिदिंथिनायफोर बायदि बायदि जगायना होजानाय जागोन। सोल्लोथाइ आरो फोरोंथाइनि जिल्ला फसंथानफोर, आरो ब्लक आरो जथाइ फुंखा मिरुफोरखौ लाफाना सोल्लोथाइयारि आरो फोरोंगिरि मदद खान्थिया फरायसालि आवथा खान्थियाव होजानाय जागोन।
- ज. मोनफ्रोम फरायसालि आवथाया बैसोगोरा सोल्लोथाइ मिरु, जथाइ फुंखा मिरु, आरो बायदि बायदिखौ लाफाना आवथायाव गुबुन फसंथानफोर हाबफानायजों लोगोसे आवथायावनो थानाय गासै फरायसालिफोरनिफ्राय थान्दैफोर सोसनना मोनसे **फरायसालि आवथा सामलायनाय आफाद** गोनां जागोन। आफादा हादरसा आरो बेनि आफादफोर गोनां फरायसालिनि जानानै बादा होनायनि थाखाय बुंनो हानाय गोहो होजानाय जागोन। फोरोंगिरिफोरनि बाहागो लानाय सामलायनायावबो मोनसे मिरु आखुबो लागोन।
- झ. गावारि फरायसालिफोरा गावसोरनि थांखिफोरखौ जौगाहोगोन, जाय फरायसालि आवथानि थांखिनि लोब्यायाव बाहायजानाय जागोन, जाय बेनि उनाव फरायसालि सोल्लोथाइनि बिफानजों गनायजानाय जागोन। मोनफ्रोम जिल्लाया फरायसालि खान्थिनि नोजोर लाखिनाय आरो बिसोरनि खुंलानो हानाय आरो गोहोखौ लाखिनाय मोननैनि थाखाय मोनसे **जिल्ला सोल्लोथाइ आफाद/जिल्ला शिक्षा फरिशद** गोनांबो जागोन ।

8. फरायसालि सोल्लोथाइनि नेमखान्थि

थांखि: भारतनि फरायसालि सोल्लोथाइ खान्थिया गोहोमगोनां नेमखान्थि आरो गनायनाय जुन्थियारिनि गेजेरजो गोख्रों खालामजाबायदि जाय बैयो सोल्लोथाइयारि फिथाइफोर बांलांहोगासिनो थानायनि थाखाय खौसेथि आरो जेंना गैयै, आरो फोसावजानाय गुनगोनां आरो गोदान दिहनुनायखौ रोखा खालामनाय।

नेमखान्थिया सोल्लोथाइयारि साबसिन खालामनायनि मोनसे इन्जिनबादि जाना भारतनि फरायसालि सोल्लोथाइ खान्थिखौ गोहो होथारगोन।

- क. फरायसालिफोरनि नेमखान्थि दानाय आरो बाहायहोनाय(सरसा राहा) आ गोसो जानायनि गोनोगोथोफोरखौ एंगारहोना आलादा आफादफोरजो खालामजानाय जागोन। पलिसि बानायनाय, नेमखान्थि दानाय, बाहायहोनाय आरो सोल्लोथाइयारि बाथ्राफोरनि थाखाय बेयाव रोखा आलादा खान्थिफोर थागोन।
- ख. मोनसे उदां हादरसा-बाहागोनि सामलायगा आफादखौ मोनसे न्याइयारिफ्राम गुन गोनां **हादरसा फरायसालि सामलायगा खुंथाइ** बुडो बेयो मोनफ्रोम हादरसानि थाखाय सोरजिजानाय जागोन, जेब्ला गासै हादरसानि सरकारि सोल्लोथाइ होनाय खान्थिनि बाहायनायफोरा फरायसालि सोल्लोथाइ बिफानजो सामलायजानाय जागोन।
- ग. नेमखान्थिया गंसे फरायसालि गुन थि खालामनाय आरो गनायनाय महरदाथाइजो फोरमायाजानाय गनायनाय मोनसे खान्थिनि सायाव गुदि खालामना लाजानाय जागोन। महरदाथाइया गुदि खान्थिखौल' फोरमायगोन, आरो बेनि उनाव गंसे फरायसालि जागायनायनि थाखाय बिथोनलाइ होगोन। जेब्ला फरायसालिफोरा गावारि-गनायथि मोनगोन अब्ला सानजादनि मोनसे जुन्थि थि खालामना होजानाय जागोन। बे फारिखान्थिया सरकारि आरो सरकारि नडै फरायसालिफोर मोननैयावबो बाहायजानाय जागोन।
- घ. नेमखान्थिनि जरजुलुम खालामनाया सोलिफु नायगिदिडारि राहाजो बाहायजानाय नडै जागोन; बिमा-बिफाफोरा सरकारि बिथिडाव थानाय फरायसालिफोरखौ सोमोन्दो लाखिना गासै सोमोन्दो गोनां फोरमायनायनि थाखाय आयेनारि नडै बाहायगा जानानै फैगोननि अनगायै।
- ड. हादरसायाव थानाय मानगोनां थि फजनाय आरो फरायफारिखौ लाफाना सोल्लोथाइयारि बाथ्राफोरा सोल्लोथाइयारि नायबिजिरसं आरो फोरोंथाइनि हादरसा आफादजो सामलायजानाय जागोन। फरायसालि एंगारनाय थाखोआव थानाय फरायसाफोरनि हारोंथाइ फोरमानलाइया हादरसायाव थानाय फोरमानलाइ होनाय/आन्जाद लानायनि बर्डफोरजो सामलायजानाय जागोन, जाय बे थांखिनि थाखाय ओंथिगोनां आन्जाद लानायफोर सामलायगोन, थामहिनबा बिसोरो फरायफारि(फराबिजाबफोरखौ लाफाना) बिथिडाव थानाय आखु लानाडै जागोन।

- च. **सरकारि-नडै निखाउरि मदद होग्रा फरायसालिफोरा** सामलायग्रा बांसिन खालामजानायनि थुलुंगा होजानाय आरो सिमा गैयै खालामजानाय जाथारगोन; लोगोसेआवनो सरकारि-नडै सामलायग्राफोर जाय रांखान्थियारि फालांगिफोर बादियै फरायसालिफोर सालायनो नाजानाया बन्द' खालामजागोन।
- छ. **सरकारि आरो सरकारि-नडै फरायसालिफोरा** सरकारि-नडै निखाउरि मदद होग्रा दैदेननायजों लोगोसे जाय सरकारि गुनगोनां सरकारि-नडै फरायसालिफोरा थुलुंगा होजानायखौ रोखा खालामना समान मान, गुनफोर आरो फारिखान्थिफोरनि सायाव सामलाजानाय जागोन।
- ज. सोलॅथाइयारि नायबिजिरसं आरो फोरॅथाइनि हादरसा आफादा मोनफ्रोम हादरसानि थाखाय मोनसे फरायसालि गुनगोनां थि खालामनाय आरो गनायनाय महरदाथाइखौ दावगाहोगोन। बेयो हादरसा फरायसालि सामलायग्रा आफादजों बाहायजागोन गनायनाय मोनसे खान्थिनि सायाव गुदि खालामना गावनि फरायसालिफोर सामलायनायनि थाखाय।
- झ. फरायसालिफोर आरो फरायसालि खान्थिफोरा फरायफारि जाय हायुडारि/हादरसा फरायफारि महरदाथाइफोर गोनां थि खालामजाथारनायखौ सायख'नायाव मोजां मोननायबादि लानो हानाय जागोन।
- ञ. गासै आफादफोर आरो फसंथानफोरा बोसोरारि लोगोसे गेजेर-समारि(3-5 बोसोरफोर) थांखिफोर दावगाहोगोन। सोमोन्दो गोनां जौंसिन सासन खालामनाय आफादजों मोनसे थिरोखोमारि नायफामनाय फारिखान्थिया आखाइयाव लाजागोन।
- ट. फरायसा सोलॅनाय थाखोफोरनि नमुना-गुदि **हायुडारि मोनफुंनो हानाय जरिबा** सोलॅथाइयारि नायबिजिरसं आरो फोरॅथाइ हायुडारि आफादजों सामलायलांजाबाय थाजानाय जागोन। हादरसाफोराबो मोनसे सुबुं सानखो-गुदि हादरसा थि खालामनाय जरिबखौ सामलायलांबाय थागोन।
- ठ. बिब्दिनो **सोलॅथाइ मोन्थाइया** फरायसालि नेमखान्थि आरो सासन खालामनायनि थाखाय गोनां जानाय बाहागो, बे पलिसिखौ सोसननायाव नायबिजिरना थि रोखोम फोसाबफिननायफोर खालामना बानायनाय जागोन, सोलॅनायफोर जाय बेयो खान्थि बानायजानायनि सायाव गुदि खालामना लोब्बायारि फोसाबनायफोरबो थानाय बादियै।



गोजौसिन सोलोंथाइ

1. गोदान फसंथानारि बुमिनसार

थांखि: गोजौसिन सोल्लोथाइ खान्थिखौ फोसाबफिननाया गासै हादरावनो मुलुग थाखो फसंथान सोरजिना 2035 जौ गासै थिसननाय हारखौ खमब्लाबो 50% आव बांहोनाय।

गोजौसिन सोल्लोथाइनि थाखाय मोनसे गोदान थांखि आरो बुमिनसारा गेदेर, मोजां-फुंखा, गोग्गाथाव गोबां आयदायारि फसंथानफोर गोनां इयुनारि आसा खालामजानाय बानायनाय। सोलिफु 800 मुलुगसोल्लोसालिफोर आरो 40,000 कलेजफोरा फ्राय 15,000 मोजांथार फसंथानफोराव फोगोमजानाय जागोन।

क. बे गोदान गोजौसिन सोल्लोथाइ बुमिनसारा फोरौनाय आरो नायबिजिरसंनायनि थाखाय गेदेर, मोजां फुंखा, गोग्गाथाव आरो जारखुं गोबां-आयदायारि फसंथानफोर सोरजिगोन, जेब्ला गोख्रौ सोल्लोथाइयारि सुबुं समाजफोर बानायनाय जायो अब्ला गोनांथारै गोसारनाय मोनहैहोना गोहो जगायगोन। गासै गोजौ सोल्लोथाइ फसंथानफोरा गासै आयदाफोर आरो थिलिफोरखौ फोरौनाय हाबाफारि गोनां गोबां-आयदायारि फसंथानफोर जानानै फैगोन।

ख. बेयाव गासैखौबो मोनसे गुबुन गुबुन बिथिनि नोजोर लाखिनायखौ गुदि खालामनाय मोनथाम रोखोमनि फसंथानफोर थागोन जाय बैफोरो साबसिन गुनगोनां जागोन।

- थाखो 1 गासै आयदाफोरावनो मुलुग-थाखो नायबिजिरसंनाय आरो साबसिन गुनगोनां फोरौनायनि सायाव नोजोर होनाय
- थाखो 2 जाय गासै आयदाफोरावनो नायबिजिरसंनायसिम गोनांथार गियान होनाय गोनां साबसिन गुनगोनां फोरौनायनि सायाव नोजोर होनाय
- थाखो 3 जाय गासै आयदाफोरावनो बि.ए. थाखोनि सोल्लोथाइनि सायाव नोजोर लाखिनाय गोनां साबसिन गुनगोनां फोरौनायनि सायाव नोजोर होनाय

ग. बेनि गोदानै-महर दाफिननाया जोरनानै थानाय फसंथानफोर आरो गोदान फसंजानायफोरखौ फोगोमनाय आरो गोदानै दाफिननायजौ थिरोखोमै आरो सानदांथिनायै खालामजानाय जागोन। **मिसन नालन्दा और मिसन ताक्षाशिलाया** बेनि गोदान फसंथानारि बुमिनसार गोहोम खोख्लैनायनि थाखाय फोसावजानाय जागोन। मोननैसो गोजौ-खान्थि गोनां फसंथानफोर, उदां आरिमुनि भारतारि फसंथानफोर/गोबां-आयदायारि सोल्लोथाइ आरो नायबिजिरसं मुलुगसोल्लोसालिफोरा बेफोर मिसनफोरनिनो बाहागो बादियैनो थि खालामजागोन।

घ. गासै फसंथानफोरानो मुलुगसोल्लोसालिफोर नडाब्ला डिग्रि-होनाय जारखुं कलेजफोर जागोन।

ङ. बेयाव गोनांथार सरकारि रां-एरनाय दोनथुमनाय थागोन मोनसे मोजां आरो रोखाथार खान्थिनि गेजेरजौ सरकारि गोजौसिन सोल्लोथाइखौ फेदेरलानो आरो गोख्रौ खालामनो थाखाय।

- च. गोग्लैसोनाय भुमखौराडारि ओनसोलफोराव साबसिन गुनगोनां फसंथानफोरखौ गायसंनो लानाया मोनसे गुदि खालामजानाय जागोन।
- छ. बे गोदान फसंथानारि बुमिनसारा जिउराहायारि थिलिफोरखौ लाफाना गासै थिलिफोरखौनो सोसनगोन।

2. साबसिन गुनगोनां उदां सोल्लोथाइनि सायाव नोजोर

थांखि: आयदाफोर आरो थिलिफोर सायख'नायाव जोबोर जरखाथि गोनां गासै फरायसाफोरनि गोथारथि जौगानायनि थाखाय मोनसे गायसंनाय बादियै गोबां गोदान आरो गुवार-गुदि उदां सोल्लोथाइनि फारसे नोजोर होनाय।

गासै बि. ए. थाखोनि हाबाफारिफोरा आयदाफोर आरो थिलिफोरखौ सायख'नायाव जोबोर जरखाथि थानायनि खाबु होना खुंथाइ हाबाफारिफोरनि गेजेराव गोदान आरो गोरलै फरायफारि दाथाइफोर, फरायनायनि आयदाफोरनि सोरजिलु जथायनायफोर, आरो माखासे बोखारनाय आरो सोसननाय आयदाफोरनि गेजेरजौ गोथारथि जौगानायनि थाखाय गायसंनाय बादियै मोनसे उदां सोल्लोथाइ बिथिंजौ आखुथाइ लाहोजानाय जागोन।

क. फसंथानारि बेसेनफोर जौगाहोनायनि थांखि गोनां गुवार गोबां-आयदायारि फोरमायनाय गोनां उदां सोल्लोथाइया गोजौसिन सोल्लोथाइनिनो गुदि जागोन। बेयो गोनांथार जिउनि गोहोफोर, गोबां आयदायारि बुजिनाय आरो सामाजारि-खान्थिसां थानायनि मोनसे बोसोनारि बिद्धा जौगाहोगोन। बेयो जिउराहायारि आरो हाबायारि थिलिफोरखौ लाफाना फ्राय गासै आयदाफोर, हाबाफारिफोर आरो थिलिफोर गोनां बि.ए. थाखोनि बाहागोआव नोजोर लाखिजानाय जागोन।

ख. मिरुवा बिरोंदामिननि भारतारि फसंथानफोरनि महर आरो मानथाखोफोराव थानाय मोन जि उदां आरिमुफोरनि भारतारि फसंथानफोर/गोबां आयदायारि सोल्लोथाइ आरो नायबिजिरसं मुलुगसोल्लोसालिफोरखौ थि खालामगोन।

ग. गोदान आरो गोरलै फरायफारि दाथाइफोरा फरायनायनि आयदाफोरनि सोरजिलु जथायनायफोर गोनां जागोन आरो फरायसाफोरनि थाखाय गोबां बाहायथाव बोखारनाय आरो सोसननाय आयदाफोर मोननो हानाय खाबु होना बिब्दिनो थि गोखौ सिमाथिफोरखौ बावैसोयै बोखारना गासै-जिउवारि सोल्लोनायनि थाखाय जाथावगौ खालामगोन। ग्रेजुयेट(माष्टार आरो डक्टरारि) थाखो सोल्लोथाइया गोग्गो नायबिजिरसं-गुदि जरखाथि जगायगोन।

घ. बि.ए. डिग्रिया 3 एबा 4 बोसोर समखोन्दोनि जागोन। फसंथानफोरा बे समनि गेजेराव बोसोर 2 फरायनाय जोबनायनि उनाव मोनसे आयदा एबा थिलि(हाबायारि आरो जिउराहायारि आयदाफोरखौ लाफाना) नि थि फोरमानलाइ होनाय, गांसे अग्रिम बिमुंलाइ एबा बोसोर 1 जोबनायनि उनाव गांसे फोरमानलाइ गोनां बायदि बायदि ओंखारनाय राहाफोर होगोन।

ङ. 4-बोसोर हाबाफारिया फरायसाफोरनो आबुं थाखो गोनां उदां सोल्लोथाइनि रौमोन्थाइ मोननायनि थाखाय खाबु जगायगोन। बेयो मेजर आरो मेजर-नडैनि सायख'नायाव उदां

- आरिमुफोरनि बेचेलर** बुंजागोन। 3-बोसोर हाबाफारिया मोनसे बेचेलर डिग्रि होगोन। मोननैबो हाबाफारिया 'अनार्स गोनां' मोनसे डिग्रि होगोन जुदि फरायसाफोरा नायबिजिरसं खालामो।
- च. थि जिउराहायारि बिजॉफोर(जेरै-फोरॉगिरि सोलॉथाइ, इनजिनियारिं, मुलि, आयेन) आ बि.ए. थाखोनि थाखाय 4-बोसोर समखोन्दो(एबा बांसिन) निल' जागोन।
- छ. फसंथानफोरा गुबुन गुबुन थाखोफोर गोनां एम.ए. थाखोनि हाबाफारिफोर होनायाव गोरलै खालामगोन जेरै- बेयाव नायबिजिरसंनायनि थाखाय गासै नैथि बोसोर बावसोमनाय गोनां 2-बोसोर हाबाफारि थागोन, जायफोरा 3-बोसोर बि.ए. थाखोनि हाबाफारि फोजोबबाय बैसोरनि थाखाय बेयाव मोनसे खुंथाइयारि 5-बोसोर एम.ए. थाखोनि हाबाफारिफोर थागोन; अनार्स गोनां मोनसे 4-बोसोर बि.ए. डिग्रि जोबनाय फरायसाफोरनि थाखाय बेयाव मोनसे 1-बोसोर एम.ए. थाखोनि हाबाफारि थानो हागौ।
- ज. PhD लानाया अनार्स गोनां मोनसे एम.ए. डिग्रि नडाब्ला मोनसे 4-बोसोर बि.ए. डिग्रिनि जानांगोन। M.Phil. हाबाफारिया बोखारजानाय जागोन।

3. मोनसे फिथाइ गोनां सोल्लोनाय आबहावा लाबोनाय

थांखि: फरायसाफोरनि फिथाइ गोनां सोल्लोनाय आरो फ्राय जौगानायनि थाखाय मोनसे रंजाथाव, गोगो आरो गुनगोनां फरायफारि, नांथाबनाय आरो गोसो होथाबहोनाय फोरॉनायनि आदबखान्थि, आरो जोथोनगोनां मदद होनायखौ रोखा खालामनाय।

गोजौ सोल्लोथाइयाव थानाय फरायफारि आरो फोरॉनायनि आदबखान्थिया थारथिफोर आरो जुन्थियारि खान्थिफोर सोल्लोफलेबाय थानांनायखौ बोखारना जौमोन सुबुंखौ मदद मोननो हानाय खालामगोन मोननै मोनसे फोरजाखान्थिनि सांघां नोगोरारि जानाय आरो जायखिजाया आयदायावनो आबुं जिउराहायारि जानाय खालामनायनि थाखाय।

क. गोग्गाथाव आरो गोगो फरायफारिनि जौगानाया हायुडारि गोजौसिन सोल्लोथाइ रॉंगौथि महरदाथाइजौ दैदेनजानाय जागोन जाय बायदि बायदि थिलिफोर आरो आयदाफोरनि सिडाव डिगि/बिमुंलाइ/फोरमानलाइ होनाय खाबुजौ लोब्बा गोनां सोल्लोनाय फिथाइ महर होगोन। बे महरदाथाइया सोल्लोथाइयारि आरो जिउराहायारि/हाबायारि थिलिफोराव समानै जौगालांनायखौ रोखा खालामना हायुडारि हारॉथाइ रॉंगौथि महरदाथाइ गोनां खालामजानाय जागोन।

ख. मोजां मोनजानाय गुदि मुलाम्फा खान्थिया नायफामना फोसाबफिनजानाय जागोन गोरलैसिन आरो गोदानारि खालामनायनि थाखाय।

ग. गोसो जाहोनाय सोल्लोनाय रॉमोन्थाइफोरा गोहोमगोनां फोरॉनायनि आदबखान्थियारि आदबफोरनि गेजेरजौ होजानाय जागोन; गासै फरायसाफोराबो समाजारि नांथाबनायनि थाखाय ऑंथिगोनां खाबुफोर होजानाय जागोन। फरायसाफोरा नायबिजिरजानाय जागोन सोल्लोथाइयारि बिथिडावल' नडा नाथाय गुवार गोहोफोर आरो थि आखुथाइनि सायावबो।

घ. सोल्लोथाइयारि, राडारि आरो आबेगारि मदद होनाया फरायसाफोरनि थाखाय गोबां जागोन बिसोरखौ साबसिन फिथाइफोर मोनहोनाय मददनि थाखाय।

ड. उदां आरो नखरारि सोल्लोनाया गेदेरसिन खालामजागोन, जैरे- गासै थिसननाय हारखौ 50% सिमाव बांहोनाय मोनसे गोनांथार आखु लाहोना। माखासे बिथिंफोर जैरे- अनलाइन दोनथुमसालि, नायबिजिरसंनायनि थाखाय फुनजि होनाय, फरायसा साखि बांहोनाय, MOOC फोरनि खाबु-गुदि गनायनाय बायदि बायदिफोरा साबसिन गुनगोनां मानथाखोनि हाबाफारिफोरनि गुनाव रोखा खालामना लाजानाय जागोन।

च. हायुंगेजेरारियारि सोल्लोथाइया फसंथानारि लोगोनांनाय आरो फरायसा आरो फोरॉंगिरि जौगालांनाय मोननैनि गेजेरजौ खाबु होजानाय जागोन। हायुंगेजेरारि सोल्लोथाइनि थाखाय

मोनसे लोब्बा-मुलुगसोर्लोसालि मिरुवा सायख'जानाय भारतारि मुलुगसोर्लोसालिफोरनि गेजेराव
थि खालामजानाय जागोन।

4. गोख्रों, नांथाबग्या आरो मोजां गुनगोनां फोरोंगिरि

थांखि: मोजांथार गुनगोनां आरो गोथौ रादाइ गोनां, गोख्रोंथिजों गोहो थानाय फोरोंगिरिया फोरोंनाय आरो नायबिजिरसंनायाव साबसिनथार जानायनि थाखाय।

गोजौसिन सोल्लोथाइ फसंथानफोरनि जाफुंनायनि थाखाय बांसिन गोनांथार बिथिडा फोरोंगिरिया गुनगोनां जाना नांथाब नाजानाय। बे पलिसिया गोजौसिन सोल्लोथाइ आयदायाव फोरोंगिरि लाबोफिनना होयो।

- क. मोनफ्रोम फसंथाना आबुं फोरोंगिरि थागोन, जाय बैयो गासै हाबाफारि, आयदा आरो थिलि गोनांथिफोरखौ मोनहोनाय रोखा खालामनाय, मोनसे लुबैथाव फरायसा-फोरोंगिरि हार(30:1 निस्बुइ बांसिन नडै) सामलायजानाय आरो गलायमोनदेरा रोखा खालामजानाय।
- ख. गोनांथि जानायनि सोसनफलेबाय थानाय, समखोन्दोआरि थिसननायफोरा गोख्रैयैनो बन्द' खालामजानाय जागोन।
- ग. फोरोंगिरि थिसननाया सोल्लोथाइयारि गियानि, फोरोंनायनि गुन गोनां आरो सरकारि साख्रिफोरनि थाखाय आखुथाइ गोनांनि सायाव गुदि खालामजानाय जागोन।
- घ. फोरोंगिरिनि थाखाय मोनसे थि रोखोमै महर मोनहोनाय गोजोर थिसननाय (बिबान) राहा खान्थिया सिनायथि होजागोन-बेयो 2030 जों सरकारि नडै फसंथानफोरखौ लाफाना गासै फसंथानफोरावनो आबुडै सोलिहोनो लाजानाय जागोन होनना।
- ङ. फोरोंगिरिया सोल्लोथाइयारि उदांथिजों गावसोरनि फरायनायफोर आरो नायबिजिरसं खालामबाय थानायनि थाखाय फरायफारिफोरखौ गोसोबादि लानो हानायनि थाखाय गोहो होजानाय जागोन।
- च. गासै फसंथानफोरानो फोरोंगिरिफोरनि थाखाय अरायबोयै जिउराहायारि जौगाथाइ थांखिखौ दावगाहोना बेनि खामानियाव फैनायनि फारिखान्थिखौ लाबोगोन। थांखिया थिलि/आयदाफोर, फोरोंनायनि आदबखान्थियारि गुनफोर, नायबिजिरसंनायाव गियान बांहोनाय थागोन आरो मावसोल्लोनायनि थाखाय बाहागो लाहोगोन।
- छ. फोरोंगिरि थिसननाय आरो जौगाहोनाय, जिउ दानाय दावगाहोनाय, साबसिन सामलायहोनाया मोनफ्रोम फसंथाननिनो फसंथानारि जौगाथाइ थांखिनि बाहागो जाहोनायनि थाखाय।

5. सासन खालामनाय आरो जारखुंथाइ गोहो

थांखि: गोहो गोनां आरो बोसोनारि दैदेनगिरि गोनां गोजौसिन सोल्लोथाइ फसंथानफोरखौ उदां, गाव-सासन खालामनाय।

साबसिन गुनगोनां सोल्लोथाइ आरो नायबिजिरसंनाया मोनसे जोथोनारि मदद हारिमुवाव रंगौंथि थुलुंगाखांथिनि गोनांथि दं- गोजौसिन सोल्लोथाइ फसंथानफोरनि सासन खालामनाया बे हारिमुखौ लाबोयो।

- क. गोजौसिन सोल्लोथाइ फसंथानफोरा आबुं सोल्लोथाइयारि आरो खुंथाइयारि जारखुं गोनां उदां बर्डफोरजौं सासन खालामजानाय जागोन। बर्डनि महर दानाय आरो थिसननाय, मासिगिरि आरो लेडाइ गिसिया/बिथोनगिरि (गाहाइ मावफुंगोरा) या सरकारनिफ्राय लाफाना बायहायारि आखाइ होनाय बोखारनायखौ रोखा खालामगोन आरो फसंथाननिसिम रादाइ गोनां साबसिन-गुनगोनां सुबुंखौ थिसनगोन।
- ख. गासै गोजौसिन सोल्लोथाइ फसंथानफोरा **जारखुं गाव-सासन खालामनाय खुंथाइफोर** जानानै फैगोन आरो 'गनायथाइ' नि मावसोलोडा बन्द' खालामजागोन। 'गनायजानाय कलेजफोर' आ जारखुं डिग्रि होनाय कलेजफोराव जौगानायनि थाखाय मदद होजानाय जागोन आरो 'गनायजानाय मुलुगसोल्लोसालिफोर' आ गोग्गाथाव गोबां-आयदायारि फसंथानफोराव जौगाहोजानाय जागोन।
- ग. सरकारी नडै आरो सरकारी फसंथानफोरा सामलायनाय खान्थिनि गुनाव दैदेनजानाय जागोन। सोल्लोथाइनि फालांगियारिया बन्द' खालामजागोन, आरो निखाउरि सुबुंनि मदद होनायफोरा थुलुंगा होजानाय जागोन।
- घ. जारखुडा खान्थि बिथिं-हारिमु, महरदाथाइ आरो जुन्थियारियाव फोथायजानाय जानांगोन। फोरौंगिरिया फोरौनायनि आदबखान्थियारि बिथिंफोर, फरायसा थि खालामनाय आरो नायबिजिरसंनायखौ लाफाना सोल्लोथाइयारि उदांसि आरो फरायफारि गोहो होजानाय जागोन। फसंथानफोरा खुंथाइयारि आरो सोल्लोथाइयारि जारखुं गोनां जागोन। बे उदांसिया सरजाबजागोन जेरै- जागायजेनना हाबाफारिफोर खुंनो, फरायफारि थिरांथा खालामनो, फरायसा गोहोखौ थिरांथा खालामनो, फुंखा गोनांथि जानायफोरखौ थिरांथा खालामनो आरो सासन खालामनाय आरो सुबुं सामलायनाय खान्थिफोरखौ लाफाना गावसोरनि सिडारि खान्थिफोरखौ जौगाहोने थाखाय। गोजौसिन सोल्लोथाइ फसंथानफोरा थारैनो जारखुं, उदां आरो गाव-सासन खालामनाय खुंथाइफोराव जौगाहोजानाय जागोन।

6. सामलायनाय खान्थिनि महरसोलायनाय

थांखि: गोजौसिन सोलॅंथाइयाव गोहोमगोनां, गुनगोनां आरो बिबान गोनां नेमखान्थिया साबसिनथार आरो सरकारि-जिउमा थुलुंगाखांहोनायनि थाखाय।

नेमखान्थिया मोजां सासन खालामनायजों लोगोसे सरकारि जिउमा, गुनगोनां, साबसिनथार, राडारि गोजोर आरो गोग्गो आखुखौ रोखा जाहोना बिबान गोनां आरो गोरलै खालामजानाय जागोन।

क. मानगोनां थि फज'नाय, फुनजि होनाय, गनायनाय आरो नेमखान्थिनि हाबाफोरा गोहोनि गोसो होथाबनाय आरो गोसो जानायनि गोनोगोथोफोरखौ खारहोना उदां आफादफोरजों आलादा खालामजाना सामलायजानाय जागोन।

ख. हायुडारि गोजौसिन सोलॅंथाइ सामलायग्रा खुंथाइया जिउराहायारि सोलॅंथाइखौ लाफाना गासै गोजौसिन सोलॅंथाइनि थाखाय सामलायग्राल' जागोन। गासै सोलिफु सामलायग्रा आफादफोरा जिउराहायारि मानथाखो थि फज'नाय आफादफोराव सोलायजागोन।

ग. सोलिफु मुलुगसोलॅंसाति अनसुंथाइ आय'गा गोजौसिन सोलॅंथाइ अनसुंथाइ आफादाव सोलायजागोन।

घ. सरासनसा सोलॅंथाइ आफादा थि खालामजागोन, आरो हायुडारि गोजौसिन सोलॅंथाइ रॅंगौंथि महरदाथाइखौ जौगाहोगोन 'ग्रेजुयेट मानथाखो' होनायनि थाखाय, जाय बैनो 'आसाथिनाय सोलॅंनाय फिथाइ'।

ङ. गुदि बिथिंफोरनि सायाव गनायनाया गुदि नेमखान्थिफोरनि महर दाजानाय जागोन। हायुडारि थि खालामनाय आरो गनायनाय आफादा गनायनाय फसंथानफोरनि मोनसे सोरबिथिं खान्थि जौगाहोना फारिखान्थिखौ नोजोर लाखिग्रा जागोन।

च. बेयाव सरकारि आरो सरकारि नडै गोजौसिन सोलॅंथाइ फसंथानफोरनि थाखाय मोनसे सरासनसा सामलायग्रा खान्थिफोर थागोन। सरकारि नडै निखाउरि सुबुं मदद होनाय दैदेननाया थुलुंगा होजानाय जागोन।

छ. गोजौसिन सोलॅंथाइनि हादरसा बिफानफोरा मोनसे पलिसि थाखोआव लोब्बा लाखिजानाय जागोन; गोजौसिन सोलॅंथाइनि हादरसा आफादफोरा समान मदद आरो साबसिन मावसोलॅं बाहागो राननायनि खाबु होगोन।



फोरोंगिरि सोलोंथाइ

1. साबसिनथार फोरॉगिरि थियारि खालामनाय

थांखि: फोरॉगिरिफोरनो गोबां-आयदायारि कलेजफोर आरो मुलुगसोलॉसालिफोराव थानाय फोरॉगिरि सोलॉथाइ खान्थिखौ सोलायना आयदाफारि, फोरॉनायनि आदबखान्थि आरो मावसोलोडव साबसिन गुनगोनां फोरॉथाइ होनाय, आरो गासै फरायसालि फोरॉगिरिफोरनि थाखाय खम रॉगौथि बादियै ब्रै-बोसोर खुंथाइ बेचेल्न डिग्रि गायसननाय रोखा खालामना होनाय।

फोरॉनाया मोनसे बोसोनारियै आरो गियान गोनाडारियै लेंहरजानाय जिउराहा। गोदान फोरॉगिरिफोरा साबसिनथार थियारि खालामनायनि गोनांथि दं आरो मावसोलॉनाय फोरॉगिरिफोरा जिउराहायारि जौगालांहोबाय थानाय आरो सोलॉथाइयारि आरो जिउराहायारि मददनि गोनांथि दं।

क. फोरॉगिरि थियारि खालामनायनि थाखाय 4-बोसोर खुंथाइ बेचेल्न सोलॉथाइ हाबाफारिया आयदायारि आरो फोरॉगिरि थियारि खालामनाय हाबाफारिफोर मोननैखौ लाफाना फरायनायनि मोनसे ग्रेजुयेट थाखोनि हाबाफारि बादियै गोबां-आयदायारि फसंथानफोराव होजानाय जागोन। बेयो मोनसे जौसां-जरखाथि, आयदा-जरखाथि हाबाफारि जागोन जाय बैयो आरिमु आरो गेलेमुखौ लाफाना गासै आयदाफोरनि थाखाय गिबि-फरायसालिनिफ्राय गेजेर खलबारि थाखो(थाखो 12) सिमनि फोरॉगिरिफोर थियारि खालामगोन आरो बैफोरो मोनसे हाबायारि सोलॉथाइ एबा मोनसे जरखा सोलॉथाइ नोजोर होनाय गोनां जागोन।

ख. 4-बोसोर B.Ed. डिग्रिया गुबुन बि.ए. डिग्रिफोरनि गुनाव होजानाय जागोन आरो मोनसे 4-बोसोर B.Ed. गोनां फरायसाया मोनसे माष्टार डिग्रि हाबाफारि लानायनि थाखाय रॉगौथि गोनां जागोन।

ग. सोलिफु नै-बोसोर B.Ed. हाबाफारिया 2030 सिम सोलिहोजागोन। 2030 नि उनाव, जाय मोनसे 4-बोसोर फोरॉगिरि सोलॉथाइ हाबाफारि होग्रा बैसोर फसंथानफोरखौल' 2-बोसोर हाबाफारि सालायनो होगोन। बेफोर हाबाफारिफोरा जाय मोनसे ग्रेजुयेट डिग्रि गोनां बैसोरनिसिम होजानाय जागोन।

घ. 2030 नि उनाव जेबो गुबुन रोखोमनि गिबि-फोरॉथाइ फोरॉगिरि थियारि खालामनाय हाबाफारिफोरा होजानाय नडा।

ड. फोरॉगिरि सोलॉथाइया गोबां-आयदायारि फसंथानफोरजौल' होजानाय जागोन। मोजां गिबि-फोरॉथाइ फोरॉगिरि थियारि खालामनाया गासै आयदाफोरनिनो जरखा रॉगौथिनि गोनांथि दं जाय सोलॉथाइयारि थांखिफोर, आयदा आरो मोनसे गोख्रौं बुंफुरलु-मावसोलॉ सोमोन्दोजौं लोगोसे फोरॉनायनि आदबखान्थिनि नांगौबादि बुंफुरलुवारि बुजिनाय गोनां-बे हांस्त्रायनायफोरानो

सोर्लोथाइनि गाहाइ आयदाफोर आरो मोनसे लोब्बायारि फरायसालिफोरजौ लोगोसे गासै गुबुन फरायसालि आयदाफोराव थानाय जरखा रौंगौथि थाखो गोनां।

च. गाज्जि आरो थिरोखोमै सोलियै फोरौंगिरि सोर्लोथाइ फसंथानफोरा बन्द' खालामजानाय जागोन।



जिउराहायारि सोलॅंथाइ

1. जिउराहायारि सोलॉथाइखौं गोजौंसिन सोलॉथाइयाव सोसनफिनना जिउराहायारि सोलॉथाइखौं गोख्रॉंसिन खालामनाय

थांखि: जिउराहायारि थियारि खालामनायनि थाखाय मोनसे गोथारथि बिथिफोर दानाया साबसिनथार-गुनगोनां जिउराहायारि गोहोफोरनि लोब्बायाव गुवार-गुदि आखाफाखाथि आरो 21थि जौथाइ रंगौथिफोर, समाजारि-सुबुं आयदानि मोनसे बुजिनाय, आरो मोनसे गोख्रॉं बोसोनारि आखुखौं रोखा खालामनायजौं।

जिउराहायारि थियारि खालामनाया सरकारि थांखिनि बोसोनारि आरो गोनांथियाव मोनसे सोलॉथाइ, आयदाफोराव मोनसे सोलॉथाइ, आरो मावसोलॉनि थाखाय मोनसे सोलॉथाइखौं लाहोथारनाय- बेबादि जानायाव जिउराहायारि सोलॉथाइया जरखाथिनि बोखावनायाव जाथारनाडा।

क. जिउराहायारि सोलॉथाइया फ्राय गोजौंसिन सोलॉथाइ खान्थिनि मोनसे गोनांथार बाहागो लागोन। गावारि-गसंथानाय जुन्थियारि मुलुगसोलॉसालिफोर, देहा बिगियान मुलुगसोलॉसालिफोर, आयेन गोनां आरो आबादारि मुलुगसोलॉसालिफोराव थि फज'नाय मावसोलॉ, एबा बेफोर एबा गुबुन आयदाफोराव थानाय फसंथानफोरा बन्द' खालामजानाय जागोन। गासै फसंथानफोरा जिउराहायारि नडाब्ला सरासनसा सोलॉथाइ होनाया 2030 जौं मोननैखौंबो मोजाडै फसंथानफोरा होनायाव जेंना-गैयाजासेयै लोब्बा लाखिहोजानाय जाथारगोन।

ख. लोब्बायारि आयदाफोर गोनां आबादारि सोलॉथाइया थिसनफिनजानाय जागोन। अब्लाबो आबादारि मुलुगसोलॉसालिफोरा हादराव थानाय गासै मुलुगसोलॉसालिफोरनि फ्राय 9% ल' जागोन, आबाद आरो लोब्बायारि बिगियानफोरनि थिसननाया गोजौंसिन सोलॉथाइयाव गासै थिसननायनि 1% निख्रुइ खमसिन जागोन। आबाद आरो लोब्बायारि आयदाफोरनि गोहो आरो गुना मोननै साबसिन रंगौथि गोनां ग्रेजुयेटफोर आरो आरोंदागिरिफोर, गोदानारि नायबिजिरसंनाय आरो बिरोंदामिनफोर आरो मावसोलॉफोरजौं लोब्बा लाखिहोजानाय हाथाइ-गुदिफोरनि गेजेरजौं आबादारि दिहुनथाइ बांबोनायनि बिथोनाव जौगाहोजानाय जाथारगोन। सरासनसा सोलॉथाइ गोनां हाबाफारि खुंथाइनि गेजेरजौं आबाद आरो मि फाहाम बिगियानफोराव जिउराहायारि थियारि खालामनायनि गोहोआ थिरोखोमै बांहोजानाय जागोन। आबादारि सोलॉथाइनि गासै महर होनाया जेब्ला जौंनि सुबुं दावगानाय बायदि बायदिनि थाखाय जेरै- हा दिहुनथाइ, बोथोर सोलायनाय, आदार मोनफुंनाय खमायलांनायनि गोब्राब जेंनाफोरनि मोनदांथाइ जायो अब्ला बुजिनो हानाय आरो गामियारि राव, दोरोडारि गियान बाहायनाय आरो बिरोंदामिनफोर सोसननाय गोहो गोनां जिउराहायारि जौगाहोनायनि थाखाय सोलायहोजानाय जागोन। फसंथानफोर आबादारि सोलॉथाइ होनाया थोंजोडै गामियारि सुबुं

समाजखौ मुलाम्फा मोनहोथारनाय; मोनसे बिथिडा आबादारि बिरोंदामिन एलेखा थि खालामनाय जानो हागौ बिरोंदामिनारि फिथाइ लाबोनाय आरो गोसारनाय जौगानायनि थाखाय।

ग. आयेनारि सोल्लोथाइ हाबाफारिफोरा महर दाफिनजानाय जागोन। आयेनाव थानाय जिउराहायारि सोल्लोथाइया बुहुमनां बादायनाय, साबसिन मावसोल्लो सायख'ना लानाय आरो गोदान बिरोंदामिनफोर गनायना लानाय जाहोथारगोन न्याइखौ गुवारसिन मोननो हाना न्यायखौ समबादियै बाहायनो हानायनि थाखाय। लोगोसेआवनो बेयो न्याइनि संबिजिरारि बेसेनगोसा-समाजारि, रांखान्थि आरो राजखान्थि गोनां फोरमायजाना रोखाथार खालामजानाय जाहोथारगोन- आरो फोरजाखान्थि, आयेनखान्थि आरो सुबुं मोन्थाइफोरनि बिथिंफोरनि गेजेरजौ हायुडारि महर दाफिननायनि फारसे बिथोन होजानाय जाथारगोन। आयेनारि फरायसंनि थाखाय फरायफारिया मोनसे फोरमान-गुदि आखुथाइ, आयेनारि साननायनि जारिमिन, न्यायनि गुनफोर, आयेन बुंफुरलुनि मावसोल्लो आरो गुबुन थिरोखोमै आरो आबुंथियै लोब्बा गोनांजौ लोगोसे समाज-हारिमुवारि आगु आयदाफोरखौ गोहोम खोख्लैनाय जाथारगोन।

हादरसा फसंथानफोर आयेन सोल्लोथाइ होनाया इयुन उकिलफोर आरो बिसारगिरिफोरनि थाखाय मोननै रावारि सोल्लोथाइ होनाय खाबु होगोन- इंराजियाव आरो जाय आयेन हाबाफारि गोनां हादरसानि रावाव। बेयो आयेनारि फिथाइफोर लाबोनायाव रावसोलायनायनि गोनांथिनि थाखाय गोबाव जानायखौ खम खालामनायनि थाखाय।

घ. देहा-जोथोन सोल्लोथाइया गोदानै खालामफिनाजानाय जागोन जाय बैयो औरैबादिदि सोल्लोथाइयारि हाबाफारिफोरनि समखोन्दो, दाथाइ आरो महरफोरा आखुथाइफोर जाय सुबुंफोरा लानायनि थाखाय गोनांथि जानाय बादियै। बिदिन्थि बादियै, मोनफ्रोम देहा-जोथोन फारिखान्थि/आखु लानाय (जेरै- मोनसे ECG लानाय/फरायनाय) या आबुडै उक्टरनि रोंगौथि थानायनि गोनांथिथार नडा। गासै MBBS ग्रजुयेटफोरा माखासे आयदाफोर: (1) मुलियारि रोंगौथिफोर (2) बेराम सिनायनाय रोंगौथिफोर (3) मोदोम-हाखावारि फाहामनाय रोंगौथिफोर आरो (4) गोनांथार फाहामथाइ रोंगौथिफोर थानाय जाथारनांगौ। फरायसाफोरा गुदि जोथोन लानायाव आरो गेजेरखलबारि देहा-फाहामसालिफोराव मावनायनि थाखाय गोनांथि जानाय रोंगौथिफोरनि थाखाय गाहाइयै खान्थि-बिथिंफोरखौ रोखा-फोरमायनायाव सानफ्रोमबोयै जिरायनाय सम होनायाव फोरोंजानाय जागोन। सेथि बोसोर एबा नैथि बोसोर MBBS हाबाफारिया गासै बिगियान ग्रेजुयेटनि उनाव जाय बिसोरो MBBS, BDS, नार्सि एबा गुबुन जरखा-हाबाफारि लानो हानायनि थाखाय मोनसे सरासनसा समखोन्दो बादियै महर होजानाय जागोन। गुबुन मेडिकेल आयदाफोर जेरै- नार्सि, डेन्टेल बायदि बायदिनिफ्राय ग्रेजुयेट जानायफोरा MBBS हाबाफारि: मोनसे मेडिकेल सोल्लोथाइ रोंगौथि महरदाथाइया बेखौ खाबु होगोन बेयाव सरासनसा हाबनो हानायखौ गनायथि होजानाय जागोन। नार्सि सोल्लोथाइनि गुना

मोजांसिन खालामजानाय जागोन; नार्सि आरो गुबुन लेडाइ-बिजोफोरनि थाखाय मोनसे हायुडारि गनायनाय आफादा दाजागोन। मुखनाय जादोदि देहा-जोथोनाव जौनि सुबुडा गुबुन गुबुन सायख'नाय बाहायनो हानाय जौनि देहा-जोथोन सोल्लोथाइ खान्थिया जथाइ-बेयो बेखेवनायै ओरैबादि जागोनदि एल्ल'पेटिक मेडिकेल सोल्लोथाइनि गासै फरायसाफोरा आयुर्वेडिक, यगा आरो नेसार'पेटि, उनानि, सिद्धा आरो हमिय'पेटि(AYUSH), आरो बेनि उलथाफारियाव मोनसे गुदि बुजिनाय जाथारनांगोन। गासै देहा-जोथोन सोल्लोथाइयाव होबथा राहा देहा-जोथोन आरो सुबुं मुलिनि सायाव बांसिनथार गोसो होसिननायबो जागोन।

ड. बिरोंदामिन सोल्लोथाइया जरखा जुजिनायफोर लाबोयो बेफोर आयदाफोरा गासै गियान-गुदि नडाब्ला गासै हाबा मावनो हानाय रोंगौथि गुदि बादियै। उनावहाय, गासै सुबुडा माबा मोनसे मावनो नाजानाय दावगाहोनायनि सायाव बिरोंदामिननि गोहोम गोम्लैनाय बादियैनो, बिरोंदामिनारि सोल्लोथाइ आरो गुबुन आयदाफोरनि गेजेराव जायगा लानाया बोखारनायनि थाखाय थांखि लाजाबाय। बिब्दियैनो, बेफोर बिथिंफोरखौल' सोलिहोफिनै खालामनाया बायदि बायदि बोसोरफोरनि थाखाय मोजां-रोंगौथि गोनां सुबुंफोरखौ मोननायनि थाखाय, नाथाय बेयाव दारिमिन आरो फसंथानफोरनि गेजेराव खाथिथार लोब्बा लाखिलायनायनि थाखाय बांसिनथार गोनांथि जागोन गोदान आदब आरो नायबिजिरसंनायखौ सालायनो थाखाय। इनजिनियारिं आरो बिरोंदामिन हाबाफारिया फोसाबफिनजानाय जागोन जिउराहायारि थियारि खालामनायनि थाखाय जायफोरा सोलिफु आरो इयुन आदबफोर मोननैनि थाखाय मोजां थियारि गोनां जायो, आरो जेब्ला सामज-रांखान्थि आरो आबहावायारि आगु आयदाफोरखौ सोलायनायनि थाखाय बिबान गोनां जायो अब्ला बिगियान आरो बिरोंदामिन सोसननायखौ मोजां बाहायनायनि थाखाय गोहो गोनां जायो। फरायफारिफोरा फरायसाफोरनि गेजेरावनो जौगानायनि थाखाय गोदान खालामफिनजानाय जागोन गावसोरनि गियान आरो गुबुन गुबुन जेरै- गले-गलेयै मिथिमोनै, सेटिंग्स, आरो जिउराहायारि थासारिफोर गोहोम गोनां आरो बोसोनारियाव थानाय रोंगौथिफोरखौ बाहायनायनि थाखाय गोहो मोननायनि थाखाय। बेयाव मोनसे गोस्रों फोथायथि लाबोजानाय जागोन गोदान आरो सोसननाय आयदाफोर, जेरै-गुबैमानडै सोलो, गेदेर खारिथि फोरमायथि बायदि बायदिनि सायाव।

फसंथानफोरनि गनायनाय/मानथाखो होनाया दारिमिन गोनां लोगो नांनाय, दारिमिन रोंमोन्थाइ गोनां फोरोंगिरि जानाय, समखोन्दोआरि साखि खाबुफोर बांहोनाय बायदि बायदिनि थुलुंगा होजानाय जागोन।



हायुडारि नायबिजिरसं गायसंनाय

1. गुनगोनां सोल्लोथाइयारि नायबिजिरसं फोसाबनाय

थांखि: मोनसे मुलुगसोल्लोसात्तिफोर आरो कलेजफोराव फिथाइ गोनां आरो जौगानाय नायबिजिरसंनि सायाव मोनसे जरखा नोजोर लाखिनाय गोनां गासै सोल्लोथाइयारि आयदाफोराव गासै हादरावनो नायबिजिरसंना गोदान दिहुननायखौ फोसाबना गोख्रॉसिन खालामनाय- बादायनाय नायफामनाय फुनजि होनाय, बोसोन होनाय आरो खाबु होनायनि गेजेरजौ नायबिजिरसंनायनि थाखाय मोनसे मदद गोनां सोरबिथिं खान्थि दानाय।

नायबिजिरसंना गोदान दिहुननाया मिरु मोनसे गेदेर आरो गोग्गाथाव रांखान्थि, गोजोन समाज जौगाहोनाय आरो दावगानायनि थाखाय, आरो साबसिन जौखांनायखौ मोनफुंनायनि थाखाय मोनसे हायुंखौ थुलुंगा होनायनि थाखाय। दिनैनि मुलुग- आबहावा, बिरॉदामिन, सुबुं बोलो बिगियान आरो बायदि बायदियाव गोख्रै सोलायनाय लाबोनायफोरा- अरायनिखुडबो बांसिन गोनांथार मोनसे गोख्रॉ नायबिजिरसं खान्थि बानायनाय।

क. हायुडारि नायबिजिरसं गायसंनाया भारत सरकारनि मोनसे जारखुं आफाद बादियै संसदनि मोनसे खान्थिनि गेजेरजौ फसंजानाय। बेयो बोसोरारि अनसुंथाइ 20,000 क्रर रां (GDP नि ~ 0.1%) होजानाय जागोन; गुनगोनां नायबिजिरसंनाया जौगानायनि थाखाय हादरनि गोहो थानाय बादियै जि बोसोरनि उनाव बांसिन खालामनायै बांहोजानाय जागोन।

ख. गायसंनायनि खामानिनि गुदि खाबुवाव सरजाबना दं:

- मोनसे बादायनाय, नायफामनाय गुदि खान्थिनि गेजेरजौ गासै सोल्लोथाइयारि हादरफोराव थानाय गासै आयदाफोरावनो फुनजि होनाय नायबिजिरसंनाय
- गासै हादराव थानाय सोल्लोथाइयारि फसंथानफोराव नायबिजिरसंनाय गोहो बांहोनाय
- नायबिजिरसंग्राफोर, सरकार आरो दारिमिननि गेजेराव मुलाम्फायारि लोब्बा गोनां सोरजिनाया औरैबादि रोखा खालामनायनि थाखायदि बांसिन गोनांथार हायुडारि जेंनाफोरा नायबिजिरसं खालामजानाय आरो गोदानथार नायबिजिरसंनाय दिहुननाया राइजो-राजानि मोजांनि थाखाय बाहायजानाय
- जरखा बान्थाफोर आरो सावरायमेलफोरनि गेजेरजौ साबसिनथार नायबिजिरसंनाय गायसननाय

ग. गायसंनाया मोनब्रै गाहाइ बाहागोफोर थागोन, फारियै- बिगियान, बिरॉदामिन, समाज बिगियान आरो आरिमु आरो सुबुंथि।



उफेरा गुबै नोजोरथि आयदाफारिफोर

1. सोलॉथाइ बिरॉदामिन

थांखि: सोलॉथाइनि गासैबो थाखोफोराव बिरॉदामिनखौ थियै सरजाबनाय- फोरॉगिरिनि थियारि आरो जौगाथाइनि मदद होनो, फोरॉनाय, सोलॉनाय आरो सुमोनथाइ राहायाव जौगानाय लाबोनो, मोनहासवैफोरनि थाखाय सोलॉथाइ मोनहोनाय राहाखौ फेहेरसिन्नाय, सोलॉथाइयारि, खुंथाइ आरो सामलायथाइ मावथांखिखौ गोदानै दाफिन्नाय।

बे पलिसिया सोलॉथाइनि गासैबो थाखोआव बिरॉदामिनखौ थियै सरजाबनानै गाहायाव होनायफोरखौ मोननो हास्थायदों 1. फोरॉनाय, सोलॉनाय आरो सुमोनथाइ राहायाव जौगानाय लाबोनाय, 2. फोरॉगिरिफोरखौ थियारि खालामनाय आरो थि खामानियारि जौगाथाइनि बेलायाव मदद होनाय, 3. मोनहासवैफोरनि थाखाय सोलॉथाइ मोनहोनाय राहाखौ फेहेरसिन्नाय, 4. सोलॉथाइयारि, खुंथाइ आरो सामलायथाइ पलिसिखौ गोदानै दाफिन्नाय।

क. सरजाबथायाव थांखि लानायनि खाबु होनाय, सरजाबदेरनाय, बिरॉदामिन बाहायनाय, सोलॉथाइयारि फसंथानफोराव दैदेनगिरि थिसननाय, हादरसा आरो मिरु सरकार आरो गुबुन स्टेकहलदार्सजों गोदान गियान आरो नायबिजिरसं लोगोसे खाबुफोरखौ जगाजग खालामनानै बिनि साबसिन मावसोलॉफोरखौ गावजोंगाव फोरमायलायनो खाबु होनो मोनसे हायुडारि सोलॉथायारि बिरॉदामिन आफाद मुंनि मोनसे गावखुंथाइयारि आफाद दानाय जागोन।

ख. सोलॉथाइयारि बिखान्थियाव बिरॉदामिन सरजाबनाय (जैरै- राव सोलायनायखौ मदद होनाय, फोरॉथाइयारि हेफाजाबगिरि महरै बाहायनाय, थि खामानियारि जौगाथाइखौ मदद होनाय, अनलाइन फरायफारिफोर बायदि बायदि) खौ डिजिटेल फुंखाफोरजों फेहेरसिननाय जागोन, फोरॉगिरिफोरनो हारंथाइ आरो नायबिजिरसंनायनि थाखाय बिरॉदामिन बाहायहोनाय। सोलॉथाइयारि बिरॉदामिनाव चेन्टार फर एकसेलेन्स दानानै नायबिजिरसं आरो बिरेंदामिन बाहायनायाव मदद होनाय जागोन।

ग. हायुडारि सोलॉथाइयारि खारिथि फुंखाया फसंथान, फोरॉगिरि आरो फरायसाफोरनि खारिथिखौ डिजिटेल राहाजों सरैखा खालामगोन।

2. हाबायारि सोलॉथाइ

थांखि: फरायसालि, फरायसालिमा, मुलुगसोलॉसालि गासैबो सोलॉथाइयारि फसंथानफोराव हाबायारि सोलॉथाइखौ सरजाबनाय। 2025 मायथाइनि गेजेराव हाबायारि सोलॉथाइखौ 50% सोलॉसाफोरनो होनाय जागोन।

बे पलिसिया हारॉथाइ भारतनि सुबुं सानखोखौ नायनानै 2025 मायथाइनि गेजेराव फरायसालि आरो गोजौ सोलोथाइयारि फसंथानफोरनि गेजेरजौ खमैबो 50% सोलॉसाफोरनो हारॉथाइ जौगाथाइखौ मोनहोनायनि थांखि लादों।

क. हाबायारि सोलॉथाइखौ फैगौ जि बोसोरनि गेजेराव गासैबो सोलॉथाइयारि फसंथानफोराव फारियै सरजाबलानाय जागोन। ओनसोलारि खाबुफोरखौ सायख'नानै हारॉथाइनि आंखालखौ नायबिजिरनाय जागोन, आरो आरोदायारि आरो हाबायारि सोलॉथाइया उदां सोलॉथाइनि गुवार नोजोरनि बाहागो जागोन।

ख. बे राहाखौ सरजाबथाइनि एखुथा थुबिलनि गेजेरजौ सोलॉथाइयारि फसंथान, आरोदायारि फसंथानफोर आरो दामिनफोरजौ कलाबरेसन खालामनानै होनाय जागोन।

ग. हायुडारि हारॉथाइ रंगौथि महरदाथाइ खौ मोनफ्रोमबो दिसिप्लिन/भकेसन्स/फ्रफेसन्सफोराव गुवारसिनै बाहायनाय जागोन। बेनि अनगायैबो, इन्टारनेसनेल लेबार अर्गानाइजेसना सामलायनायबादि भारतारि हामगुजुखौ हायुंगेजेरारि खामानियारि राननायनि हामगुजुजौ गोरुबहोफानाय जागोन। बे महरदाथाइया आगु सोलॉथाइ गनायथिखौ बिथाथि होगोन। बेनि गेजेरजौ, खान्थियारि सोलॉथाइनिफ्राय एंगारनायखौ बेनि बाहाय रंगौथिखौ महरदाथाइनि थि थाखोजौ सरजाबफानाय जागोन। बे महरदाथाइया जेनेरेल आरो हाबायारि सोलॉथाइनि गेजेराव बारस्लायनायनि खाबु होगोन।

घ. बि.ए. थाखोआव हाबायारि सोलॉथाइनि बिबांखौ 2030-35 मायथाइसिमाव 50% जौखोन्दोसिम मुं थिसनथाइखौ बांहोगोन। गोजौ सोलॉथाइयारि फसंथानफोरा हाबायारि सोलॉथाइखौ गावसोरनो एबा दामिनफोरजौ जथायै होनो हागोन।

ङ. हाबायारि सोलॉथाइ, आरो एप्रेनटिसशिपनि मदेल्फोरखौ गोजौ सोलॉथाइयारि फसंथानफोरा आनजाद खालामना नायनो हागोन। गोजौसिन सोलॉथाइयारि फसंथानफोराव दामिनफोरनि मददजौ जौगाथाइ मिरु गायसननाय जागोन।

1. लक विद्या, भारतआवनो जौगानाय गियानखौ हाबायारि सोलॉथाइजौ सरजाबनानै बयनोबो होनो हानाय खालामगोन।

3. बैसोगोरा सोलॅंथाइ

थांखि: 2030 मायथाइनि गेजेराव 100% जौखोन्दो लाइमोन आरो बैसोगोरा लेखागोरों सुबुंनि हारखौ मोनफुंगोन आरो बैसोगोरा आरो गोजोर सोलॅंथाइ हाबाफारिखौ मखथावनायै फेहेरगोन।

लेखा रौनाय आरो गुदि सोलॅंथाइया गावारि, रायजोआरि, रांखान्थियारि आरो अराय जिउ सोलॅंनाय खाबुफोराव बाहागो लानो हानाय खालामो- बेयो नोगोरारिनि मोन्थाइ। अदेबानि, जौनि आजावजाथावै बिबानि लाइमोन आरो बैसोगोरा सुबुंफोरा दासिमबो लिरनो फरायनो रोडा।

- क. मोनबा गुवार बिथिंखौ लानानै बैसोगोरा सोलॅंथाइनि थाखाय नेसनेल केरिकुलाम फ्रेमवार्क दानाय जागोन- लिरनाय-फरायनाय आरो सानखान्थिनि सिनायथि, गोब्राब जिउनि हारॅंथाइ, हाबायारि हारॅंथाइ, गुदि आरो गोजोर सोलॅंथाइ। फराबिजाब आरो सोलॅंनायनि आगजुफोरजौ लोगोसे सुमोन्थाइ आरो मानबिलाइ होनायखौबो बे महरदाथाइजौ लोगोसे खालामनाय जागोन।
- ख. बैसोगोरा सोलॅंथाइखौ होनो थाखाय हायुडारि बैसोगोरो सोलॅंथाइ नखर-फोरॅंग्रा हाबाफारिनि गेजेरजौ बैसोगोरा सोलॅंथाइ मिरु सामलायगिरि आरो फोरॅंगिरि लोगोसे साफा साफा नखर-फोरॅंग्रानि मोनसे गिदिर हानजा दानाय जागोन।
- ग. सोलिफु नाजानाय आरो हाबाफारिफोरखौ बाहागो लागिरिफोरखौ सिनायथिनो लाखिनाय जागोन, सुबुं-समाज गाव मावसोमफोरखौ थुलुंगा होनाय जागोन- सुबुं-समाजनि सासे लिरनो फरायनो गोरों सोद्रोमाया खमैबो सासे सोद्रोमाखौ फोरॅंथारनायानो गाहाइ मावखान्थि जागोन। मैखोम बिबानि सुबुं सांग्रांथि खालामनाय जागोन। आयजोफोरखौ लिरनो फरायनो रॅंहोनायनि सायाव जर'खा गोनांथि होनाय जागोन।

4. भारतारि रावफोरखौ जौगाहोनाय

थांखि: गासैबो भारतारि रावफोरखौ सरैखा, जौगाहोनाय आरो सांग्रांथिखौ थि खालामनाय जागोन।

मोनफ्रोमबो ओन्सोलनि हारिमु आरो दोरोंखौ थियै सोफादेरनानै आरो सरैखा खालामनानै आरो फरायसालिनि साफ्रोमबो फरायसाफोरनो बुजिहोनानै हारियारि रावफोरखौ लाफानानै भारतनि गासैबो रावफोरनि गेजेराव आरजाथावना मान होलायनायखौ मोनफुनो हागोन। थारैनो दोहोनि भारतारि राव आरो थुनलाइफोरखौ सरैखा खालामनाया जोबोद जेथो गोनांखायनो बेखौ मावफुनाय जागोन।

क. राव, थुनलाइ, भारतारि रावफोरनि गोनोखोआरि सोदोबफोरखौ दुलाराय हादरनाडै मैखोम राव आरो थुनलाइनि हाबाफारिनि गेजेरजों गोनांथि होनाय जागोन, फोरोंगिरि, बिबुंगिरि थिसननाय जागोन, नायबिजिरसंनायखौ गोनांथि होनाय जागोन आरो गोजाम (क्लासिकेल) रावफोरखौ जौगाहोनाय जागोन।

ख. सोलिबाय थानाय क्लासिकेल राव आरो थुनलाइफोरनि जौगाहोनायखौ गोख्रोंसिन खालामनाय जागोन। पालि, पार्सी आरो प्राकृतनि हादरारि फसंथान गायसननाय जागोन।

ग. कमिचन फर साइन्टिफिक आरो टेकनिकेल टार्मिनलजिया हादरनाडै रोखोमसे सोदोब जौगाहोनायखौ गुवारै फेहेरनो आरो सोदांनो बिथोन होनाय जागोन, आरो देहायारि बिगियाननि अनगायै गासैबो बिथिं आरो आयदाफोरखौ सरजाबनाय जागोन।



हायुडारि सोलोंथाइ आयग

1. सोल्लोथाइखौ गोदान महर होनाय: हायुडारि सोल्लोथाइ आयग

थांखि: हायुडारि सोल्लोथाइ आयगनि दैदेननायाव थांखिनिफ्राय मावफुंजासिम गासैबो थाखोआव समानथि आरो साबसिन सोल्लोथाइ होनो थाखाय भरतारि सोल्लोथाइ बिखान्थिखौ जथायै सोलिहोनाय जागोन।

भारतारि सोल्लोथाइ खान्थियाव थुलुंगाथाव दैदेनगिरिनि गेजेरजों खामानि मावफुंनायखौ थियै साबसिन हामसिन खालामनायनि गोनांथि दं।

- क. गाहाइ मन्थिनि सिडाव हायुडारि सोल्लोथाइ आयग एबा नेसनेल एडुकेशन कमिचनखौ एपेक्स आफाद महरै दाफुंनाय जागोन।
- ख. मिरु सोल्लोथाइ मन्थिया लेडाइ मासिगिरि जागोन आरो थोंजोडै सानफ्रोमबोनि गासैबो आयदाफोरनि बिबानाव थागोन।
- ग. बे आयगाव गेदेमा सोल्लोथाइगिरिफोर, नायबिजिरसंगिरिफोर, मिरुनि मन्थिफोर, हादरसानि गिबि मन्थिफोरनि सासे थान्दै आरो गुबुन गुबुन आयदानि गेदेमा जिउराहायारिफोर थागोन। बे आयगनि गासैबो सोद्रोमाफोरा गावबागाव आयदायाव गोरों आरो मुंदांखा जागोन लोगोसे बिसोरो जेबो दाय गैयै आरो उदां जागोन।
- घ. बे आयगा भारतनि सोल्लोथाइनि बिगोमा जागोन। सोल्लोथाइनि जथाइ हायुडारि थांखिया समाजनि गोरुबलायैखौ आबार लानायाव जाफुंसारगोन। हायुडारि, हादरसायारि आरो फसंथानारि थाखोफोर दंनायमानियावनो गासैबो लोब्बा गोनां मावफुंगिरि, दैदेनगिरिफोरनो खामानियाव गोनां आरो जथाइ थांखि आरो खामानिनि खाबु होनाय जागोन।
- ङ. बे आयगा मदद आरो हेफाजाब होलायनायखौ थि खालामनो थाखाय गासैबो हादरसाफोरजों खाथि सोमोन्दो लाखिनानै खामानि मावगोन। हादरसाफोरा गावबागाव हादरसायारि थाखोनि एपेक्स आफाद दानानै लानो हागोन जायखौ हादरसा सोल्लोथाइ आयग एबा स्टेट एडुकेशन कमिचन बुंनो हागोन।



राडारि सोलॉथाइ

1. राडारि सोल्लोथाइ

च. बे पलिसिया सोल्लोथाइनि मुलाम्फाखौ गासै समाजनोनो बांहोनो थाखाय सोल्लोथाइयारि रां खाथायनायखौ बांहोनो थांखि लागोन मानोना समाजनि इयुननि थाखाय थोजासे मोजाडै रां खाथायनाय जायाखै।

छ. बे पलिसिया, बेनिखायनो 10 बोसोराव मिरु आरो हादरसा मोननैबो सोरखारनिफ्राय 20% सिम सोल्लोथाइयाव रायजोआरि रां खाथायनायखौ बांहोनो मिजिंथियो।

ज. माखासे गोनांथार बिथिंफोर जेरै- सोल्लोनायनि फुंखा, फरायसानि मोजांनि थाखाय आरो रैखाथि, गोगो आदार, थोजासे मावथि, फोरोंगिरिनि जौगाथाइ आरो गासैबो रोखोमनि मददफोरखौ गोम्लैसोनाय आरो उन जानाय गासैबो हान्जानो गुनगोनां सोल्लोथाइ होनायखौ थि खालामनायनि बेलायाव राडारि मदद होनायाव खर' गंग्लायनाय जानाय नडा।

झ. सोल्लोथाइ खोन्दोआव बे बिथांखिया गोदान दिहुनथाइ, सांग्रां जौगाथाइ आरो मददनि थाखाय गावारि गौथुमफोरखौ हांखायगोन। सोलिबाय थानाय फसंथानफोरनि गोब्राब गोनांथिखौ नायनानै गासैबो गावारि रां खाथायग्रा आरो मुलाम्फा गैयै बिथाथियाव जायखिजाया सोल्लोथाइयारि अनसायगिरिफोरखौ चेनेलाइजड खालामनाय जागोन।

ञ. उफेरायै बे पलिसिया गुबैयै इसिं दाथाइ आरो फुंखाफोरनि बेलायाव खेबसेल' रां खरसा खालामनायनि थाखाय गाहायाव होनाय गाहाय बिथिंफोरखौ सिनायथिगोन: (i) गथ'फोरनि आगु सोल्लोथाइखौ फेहेरनाय आरो जौगाहोनाय, (ii) गुदि लिरनो फरायनो आरो सानखान्थि रौनायखौ थि खालामनाय (iii) फरायसालि कमप्लेक्सनि थोजासे आरो थि फुंखा होनाय (iv) आदार आरो गोगो आदार (जामुं आरो सानजौफुनि आदार) (v) फोरोंगिरिनि सोल्लोथाइ आरो फोरोंगिरिनि गोजोर प्रफेसनेल जौगाथाइ (vi) फरायसालिमा आरो मुलुग सोल्लोसालिफोरखौ दाफामफिननाय, आरो (vii) नायबिजिरसंनाय।

ट. खुंथाइ आरो सामलायथाइया मोजां, सम्बादियै आरो थि राडारि थुबिल फेनाय आरो बेखौ गोरोन्थि गैयाजासे बाहायनायनि सायाव गोनांथि होगोन। बिबानखौ राननाय, फसंथानफोरनो गावखुंथाइ आरो खुंनाय गोहो होनाय, मानसिखौ थिसननायनिफ्राय दैदेनगिरिनि बिफावसिम आरो गोरोन्थि गैयाजासे गियान होनायजौं बेखौ मावफुनाय जागोन।

ठ. सोल्लोथाइखौ फालांगियारि खालामनाय आयदाया पलिसिजौं गोबां आरजाथाव बिथिंफोरनि गेजेरजौं सामलायजागोन। गोख्रौ नेम खान्थि राहा, पाब्लिक सोल्लोथाइ राहायाव थोजासे खाथायनाय आरो रोखा फोरमायथिजौं मोजां खुंथाइ राहाखौबो बेयो सरजाबदेरफाबावगोन।

2. मावफारि (Way Forward)

बे पलिसिया गुबुन गुबुन आफादफोरजॉ मावजानाय गाहाइ खामानिफोरजॉ लोगोसे समफारि आरो नायफामफिननायनि थांखि, पलिसिखौ थि जिउमा आरो गोसोजॉ मावफुंनाय, बिथांखियाव सोलॉथाइजॉ सोमोन्दो गोनं गासैबो आफादफोरनि खौसेथि आरो जथायै खामानि मावनायखौ आउटलाइन खालामनाय जागोन।

सुबुंथिनि मुगाफोराव
गासैबो गियानफोरानो आजै आजौआ सोरजिजोबनाय
जायखौ दिनैनि गोदान आथाला गावनि आंगो खालामदौ

बै गियाननि मटिफफोरा अराय गोजोर
जौगालु आरो गियाननि जिउनां आखु- जायहा जागायजेनाय गैया आरो थुंगे गैया

बे पलिसिया मिजिंथियो सोरजिलु, जौगानाय
आरो बे बुब्लिनि गियाना गोसारनायखौ अराय हास्थायो।

